

陳恭介公文集

陳恭介公文集卷之七

明餘姚心穀陳有年著

吉水南臯鄒元標校正

萬載崑岡張璧同校

從子陳啓孫付梓

彖子陳啓端編輯

記

三
種
樓
記

三種樓主人舊有樓若干楹主人少長於斯其曰三

種則晚歲始顏之也主人脩幹骨立翩翩如野鶴蚤
從陽明先生游有回方之志不遂隱環堵地有朱峯
號朱峯山人嘗游吳亂錢塘溺焉出沒駛颶驚濤中
竟不死或詫曰天寔免子揆子心豈固有免道耶因
號見心道人居久之而顏其樓廼稱曰余生無所効
於世敢餐世乎哉余種禾以食種桑以衣種德以不
辱余之業在樓之三物矣更號三種樓主人云主人
顏樓之年而心穀癰農歸田於大江之坳主人過而
訪焉問記夫已則涼德而退自託於不腆之農安知

主人雖然吾聞主人言隱然若有動於吾衷也為述
其梗槩作記主人名學字惟敏徐氏世居姚江東北
二十里而遙曰馬堰里癯農同邑陳有年也

餘姚縣學田記

餘姚學故有田膳士若增置以儲葺學則當新學之
後六年李侯視事之四年也而李侯先曰鄧侯寔首
議議曰學所繇積圯坐費詘又憚歛會故茲屬有公
地可闢得藉手而新厥圯顧若異日何誠以所樽縮
之贏市常稔田歲儲其入以時視葺羸且不竭學可

永不敝便議既畢協無何鄧戾內召去得李侯廼竟
成之云 國家右文作士窮徼下邑聲訓旁皇可謂
綦隆然而諦觀庠校即俊國時有敝漣之嘆則何也
天下之傳舍其官而日徵於簿書久矣簿書所不亟
見謂潤遠而媮自恕第令不得已苟畢目前沾沾不
當足矣邇久長慮哉藉有之蓋不數睹也以其不數
睹也繼者或又從而傳舍之不式於規隨之義不究
宣厥圖公家事往往職是廢學政其尤也吾姚幸而
有二戾又幸比時至不然若而舉也可與皋又瑄又

者語哉陳有年曰學曰何為者也是裨教之邪廓也
夫古王者立教則固有文實矣教化陵東更數百年
大都并文與實而兩失之者半既其文不既其實
者亦半并文與實而兩失之亡論也夫亦已既其文
矣而撫時摯化迄媿於古得非文實之辨洵王者之
所重耶諄於王者之所重則雖提空文以為之邪廓
而不足以造士欲舉王者之所重而蔑置其邪廓不
之理則所重者將無所寄而能行士生晚近之世其
亦難成也已然王教遠矣其實可考見其在身心何

內循而著且察也不得謂之終湮而今之曰學曰學
田云者良大夫方後先而理之士方儒冠鼓篋游且
賸於其間也不得謂無邪廓可寄繇良大夫之舉以
敬應 國家右文之治而原本於王者之教之所重
士不當如是耶吾姚故稱俊國間黨之間被服詩書
斷斷如也立德倡道稱天下士者接武而出士生斯
地而益交勉為古人之學不徒以瑰文榮問相矜張
是在為之而已或亦良大夫意也余既嘉興邑士領
二戾之羨又大懼士紐世教無以自振於晚近而使

後之君子徃與既其文而不既其實者同顯而共惜之也故於李侯之問記而僭反之貽諸來者以覽興焉鄧侯名林喬內江人李侯名時成蘄水人學由凡五十二畝三分有奇其區至佃入列諸碑陰

吏部考功司題名記

謂天下事名耶古卓詭之士靈名隱民惟恐閱之不深而星流世齒頰謂無事名耶結繩勿論若乃後天開物之英降迨九官十六族具可考而名也夫名教之興尚矣榮名亘宇宙僂名不齒于塗之厲名哉名

哉中古以來何其斷又也陳有年曰不佞故嘗滿司
功云也國家稽古建官錯事而衡名實不可勝辨
綜諸司功其佈在功令若稱者不者貪者酷者罷若
不謹者躁淺者才不及者老疾不任者雜然而並程
畫然而明列較然擘若者之實而不得眩鑿又然被
以若者之名而不得辭昭昭然若揭日月而行也或
或然舉國之利器而以示人也此夫修混沌之術者
所不韙也而盛王之所牽制也聖喆之所諦也志烈
之所徇也好脩者之所依而葆也齊智之所覈其教

而勤應也天下得之則明失之則幽得之則理失之
則亂百代不能易也病者曰名教興使人礪真宅而
適於名之肆以奇貨市為世祇祥嗟嗟其然哉請循
其本本期於真不期適如以真則名與實未始離也
子病實乎如以適方病其以名市也又安知其不以
無名市也若惟無適適則吾第按實而簡斥之奚逐
病焉且 國家令若日月中天然然而谷歟蓐歟蒙
之張張歟吾猶不敢知也利器非匱也砥者一之玩
弗砥者二之頓弗受砥者三之吾亦不敢知也若之

何塗斯世於長夜而示人以鉛也夫司功名實之官也曩不佞進受牘於庭而榮者榮僂者僂則為之竦意惧退食於宴所有題名焉論其世而榮者榮僂者僂則又為之竦意惧彼其榮若僂也人之麗名耶抑名麗人耶此其惧也牘若石交倣我耶抑自為倣耶嗟嗟天下小大之工亡慮數千萬人司功與居一焉後先而為司功亡慮數千百人不佞與居一焉吾與若皆遊於名教之內者也久矣夫其通相名也然而吾之名斯人也歟哉不如其自名也人之名吾也歟

哉不如吾自名也此吾之所為惧也非為其相名也而為吾之自名也相名相遁吾有真吾者存人各以其真吾而後名之教不為天下病然則題名贅石乎曰人奚而鑑也鑿奚而有銘也頻焉遇憬焉思戚戚焉若命也此以真謀者也題名倘亦有裨乎遁斯贅石矣不佞為郎之歲會石盈無以待來茲乃謀負外郎劉希哲氏主事謝思敬氏趙夢白氏更伐石已而不佞遷繼者黃虞卿氏式成之成之日偕負外郎王子脩氏主事陸梁孝氏劉元澤氏寔來董記事不佞

劣劣自承之部中旋已旋復十八年而卽是司名實
無所底胡空言為無已聊志吾惧而後之君子擇焉
爾

傳

徐聘君傳

正德間有徐聘君聘君者名文彪字望之上虞人也
聘君之名遭堅瑾益著余為諫意三嘆云 國朝自
制舉盛蒲輪淵䟽間降世胥命曰盛節英廟時石亨
以驍獍介寵靈至恣睢也其推轂康齋獨隆甚彼豈
知下賢哉第浮慕之耳猶然如此或曰康齋幸得入
赤墀賜對晚亨苞逆節曾不一語隙箕疇威福風上
追退更為亨叙世譜以故倖不牾則余弗敢知矣武

皇初基詔下郡國察舉賢良以聞時特議者三顧命相也亡何堅瑾用事劉文靖謝文正孫於野瑾方深心螫謝夢及諸名卿正人籍為黨國事日大異會浙省上所辟士聘君與文正邑人徐君子元周君禮寔偕瑾怒而聘君者睹國事異也試文部陳策忼慨中援蕭傳恭顯語有規切當是時瑾呼吸生殺人又時時矯命起不測欲以焄時流時流繁息務周容或頌功德甚則碩望大臣亦藉口調停脂韋不自惜聘君一布衣也出語輒爾爾或持以視瑾瑾則愈怒遂下

浙所上士錦衣獄掠不死械發戍邊聘君得鎮番子
元禮得肅州云初聘君之辟也邑令汪君度三造廬
為駕乃起是歲汪亦坐廢鎮番斗入朔漠雅不嫻於
俎豆聘君至介冑家稍稍遣其子弟從問學聘君為
稱說儒術副以經義士園聽益興始厓居人士率而
河西諸部奔走焉聘君至戍之三年瑾敗誅諸附者
以輕重伏罪而瑾故所矯謫咸啣宥歸矣方聘君難
聞于家家人生不聞鎮番所在已知其出絕徼逾流
沙益西也歎泣謂九死不復入聘君子子奎子厚奮

以死從兄弟耦而往屬虜旁塞阨危百端迄達聘君
所侍歸歸二十有七年卒聘君有大節蚤博文以父
疾棄制舉不應晚歸力義軌俗錄宗而行諸鄉具有
紀可則事在碩司寇應祥誌中司寇聘君高第弟子
也卒之日鄉校上其行觀察使者登鄉賢祠祀焉後
一二紀聘君子若孫以仕至輦下逢鎮番人胙篋出
聘君手草至有泣下者聘君子若孫甚庶多章逢嘉
靖中從孫學詩為司寇即亦以疏擊柄臣高罪下錄
衣杖落職陳有年曰余受室攸縣君希明攸縣人

導君子麟訓導君聘君季子也為余言聘君如此時
去聘君可五十禩鄉人譚聘君尚章章誦義不衰而
余亦從邑先輩問文正公時事語叅合於戲直倭信
誣之故可以觀世矣為述而傳之

徐貞娥傳

語云蓋棺事定嗚呼死生亦大矣有死教有死志壹
準諸綱常梱內之節栢舟為著然不定死繇斯以降
婦婢在殺青若瓊枝朱草之表於藂林也而間有競
士女輒委身殉所字不却顧詎不稱難焉陳子曰頃

余聞徐貞娥事蓋重嘆其志云貞娥上虞人也父諸生三賜字邑葛之泰泰殤娥聞問即於邑走小樓雉經父母排闥入視之得無絕則亟請赴喪衆格不遂遂衣大練自閉一室矢靡它間值家慶諸姑姊固邀之出娥愴然固拒曰繫不祥人也行將焉如父母喪廬廬飾間陳諸左右輒又愴然循其袂曰身已縞素矣直棄不視怵怵乎恤恤乎逾二年不解顏已而名震多慕從之媾者語稍稍聞娥娥大恨曰天乎身不獲一決致茲紛紛也齧其臂至糜始娥自聞訃隱閨甚

痛日侵尋以病至是革竟骨立卒厯加中殤一歲耳
嗚呼脰之繆猶可稅也五內之繆不可稅也其歸一
死也泰父諸生燧臨泣曰娥果為兒死矣合諸言三
賜三賜歸其柩曰女志也嗚呼難矣古之為教者不
輕貸人於死亦不重以死律人故曰國君死社稷大
夫死衆士死制乃若婦則曰夫死稱未亡人曰從一
而終如是而已其在未為婦者抑異矣戴記有之取
女有吉日女死婿齊衰弔塋而除夫死亦如之又有
之女未廟見而死歸葬於女氏之黨兩者明著之禮

文可考雖然是果盡於人情而無所置隆污損益耶
否耶跡徐娥所操執同耶異耶易曰君子以致命遂
志魯論曰匹夫不可奪志志者由已者也志固則禮
從釋之志端則禮從節之志純摯則竭情歸質而自
致於天自致於天也者天之所不得違也而聖之所
不得制也教之所不得束也文之所不得傳也嗚呼
難言已難言已或閨閣而進於君子或章逢而非夫
或荏苒而能遂或軒然自雄而易奪聖人之取舍宜
何如哉童汪錡之死仲尼曰能執干戈以衛社稷雖

欲勿殤不亦可乎聖人之教章章乎其不為不可繼也津津乎其許人以志而樂成人善也徐娥生不識兩鬢然身殉焉而後瞑葛之宗未嘗告逆婦然空兩鮮而後無憾余嘉娥以一藐殤女能用其志為世教重不宜泯泯乃為傳而論之曰若娥者加於殤禮而合之墓亦可也又曰娥高祖為聘君文彪葛生則大理卿浩曾孫也兩君當豎種時俱有大節娥不辱云

二貞傳

余少時則見世母家蓋三娶嫂云繼重以仲氏孤之嬭

聚室茹荼門無偶跡亦人道之極恫也轉轂數紀諸婆
闇然蓋棺余重愍之宗父老言三婆娣姚賢矣而仲
妣李景蚤寡無間染余撫其可論者聯為傳列家乘
焉李貞嬭者有智妻邑姜山李女也年十八而歸
逮姑周媪歸一年子啓恩生啓恩生之歲先中丞則
偸兵松州顧諸猶子曰有智愿遂以智徃徃無何病
且亟中丞公泣而撫之曰母憂嬭嬭名家子當有固
志有固志繼而絲臬立而孤則惟戢在乃歸其喪而
書先淑人謂周媪若有智嬭如所謂有智者乎

氏哭稍甦泣言大人豈以是堅我哉微大人寧當二
心者遂稱未亡人以終李為人沉摯少言天然絕色
笑亦未嘗莞戲見所難堪渾渾嘿嘿家人見者盡以
為古太樸也日夕紡紵撫所生子駸駸長中丞公歸呼
啓恩共余學聘周媪宗氏女已而比歲遭伯季喪中
丞公又不祿火作諸居室悉燬焉周媪繼卒李彫落
益甚先淑人起煨燼餘割旁舍二三楹棲其孤娶所
聘婦扃戶與俱作即晝日過者寂不聞人音第時見
壁間炊爨或輶輶紡紗聲始覺其有人也曰嗟乎李

貞嬭能帥其新嬭一至此乎咸嘆息又數年啓恩能授童子業先淑人復佐以址數椽草草營棲婦尋舉子李亦未嘗解頤如故操久之卒距始娶三十四年年五十有四而其卒也婦姚貞嬭哭倍哀以同憂患故姚貞嬭者智弟有容妻也父家上虞曰姚經歸時年十六生一子啓英未晬而有容卒姚年祇李寡差長然二十九耳先一年伯氏有常亦卒一子甫亂及是則周媪子盡矣媪耄且病三婺婦相弔持藐諸孤纍如也居室穴伯如洎姚附同堂者構寢寢厖厖

未落會有周媼之喪同堂有感於襪祥者議母內媼
拜三婆錄而哭哭已姚舊曰義不以惻惻故詘損姑
喪遂身負屍呼二奴掖我直趨寢所既寘屍復環而
哭倡議者惻然至辟睨哭甚哀則義格且業已在寢
遂不復言姚癯弱啍啍如不能言即言氣如不能屬
然鐵面廩又望而知其節也啓英幼孱甚時時病欲
不生姚劑栢捲嚙咻鞠之苦心特至居常淳謂英若
父一綫脉安在吾忍死待若若不慎自立吾瞪目死
矣即英勝冠且有室猶然若始稅襁也姚特家治於

丈夫第亡論政苦纖嗇乃官私出入直用臆為計簿
歲時會稽闔門授子弟凡目傾臆如貫無爽者初時
疏糲不屬季年稍稱困羨粟篋羨布孤壯且蒙成焉
有孫二皆聘乃卒距始娶三十七年年六十有五伯姁
楊氏先姚三年卒李貞嬭子啓恩亦蚤世所娶周媪
宗氏女二十八歲而寡頗漸二貞風力貧長二孤無
他先姚二年年未五十卒

論曰於乎余觀於二貞而重傷世之多佻也自中古
以還揭名教以焄俗興耻詎不較著於乎一何佻者

之多也二貞起村閭襁呱又不意全之孤持與俱立初
曷知名為何物卒亦曷嘗沾沾自意哉蓋性固然矣
名之持人其流使人沾沾自意而不得反其真然而
苟出於不佻君子貴之況真者哉

邵節婦傳

節婦陳氏通判陳有孚女儒生邵岱妻也嘉靖丁巳
九月岱入贅於陳十月中旬岱患疾辭歸調理至十
二月初旬物故夫婦伉儷僅一月耳陳家法嚴整鷄
鳴起櫛沐更餘就寢率以為常黎明而岱已出就外

館陳則入侍母室曾未於日中一識面及聞塋故陳
遂卸容飾素笄縞衣同母王氏過門撫棺而哭絕而
復甦者數次朝夕泣奠如禮越三月送塋柩殯於
湖祖墓之側時舅姑皆在都亦其母勸且歸寧俟舅
姑還來終制未晚陳曰母自歸也我生為邵婦死為
邵鬼不幸不得以吉禮于歸於邵今何忍不處室同
母歸寧乎舅姑雖宦遊有妯娌可依也母幸無致志
時年才十六耳母遂不之強陳今四十七歲是不踰
閨既祖以太守致仕還即請立後乃以應繼孫欽錫

後之娶宋中丞孫女為婦陳自奉最儉茹素絕暈未
嘗一與禮席且孝舅姑和妯娌撫子婦愛而能勞不
懈組緝欽錫宋氏亦奉教誠惟謹即離喪者莫是過
也陳雖年未五旬未應旌表知其志不變矣特紀之
論曰予讀鄺衛詩自共姜以至襄公之母六人者皆
止於禮義而不敢過焉故首篇曰之死矢靡他母也
天只不諒人只謂改適也而不可從終篇曰誰謂河
廣一葦杭之誰謂宋遠跂予望之謂歸寧也而不可
得陳氏守從夫之義遵立子之法尤能孝以事其舅

姑嚴以訓其子婦和以處其娣姒儉以奉其口體豈
惟不改適雖歸寧亦不從也嗟呼非止于禮義而能
若是乎

跋

朱貞石巡行清詠冊跋

代作

走讀朱侯巡行諸詠蓋懽然三復而嘆也曰思深哉
其有蒼生之隱乎屬者亢陽為虐經川若焦原嘉穀
旦暮槁且盡侯愍又焉身勤為之零即間雨志弗慝
也比歛趣駕履畝逖阻斗辟靡不還軫至質者歸無
何告災之吏奉赫蹏上矣當是時侯所為蒿目而計
蒼生隱可知也今觀諸詠大都嗟歲嘆懷時艱不為
空言云走欒廬居嶢中被災寔最頃侯蓋越嶺嶽徑

磧礫而菱焉。耄童聚語謂宜封植。道旁草木以無忘
其蒙。其稍治丹鉛者起而托諸詩章。用識勿護夫戾
為百姓涉歷。綦憂勞。稱詩即不足訓。亦歌舞盛德之
意也。時走于役在外。兒輩從宗人之後。既彙為冊。寄
走傳舍。走方有公家之務。未暇也。聊倚馬步霜韻而
賡之。併綴數語於末簡。

聘啓

聘夏懷軒女

姻邦舊匹言歸秦晉之盟奕葉懿親珍重潘楊之睦
休茲嘉偶協於前聞恭惟執事禮樂名家簪纓華閥
聲猶懋茂雲翔棠梓之鄉雅誼坤光風穆蕪葭之里
肆如衡素夙與嫻嫻江北江南居寔環於姚水為家
為室情竊比於陳村在昔伯氏之輝輝將離詠鳳維
時餘子之碌碌有女乘龍逮及今辰復啻嗣好介常
岐而托麗徵福前徵兆懿氏以和鳴叨諧新比狃人

非祝仲良規嘗侍喬年而地是鄰林鈔選詎同逸步
斯鴻慈之俯聽繫涼德之仰依兄弟婚姻無胥遠矣
本文宗祐寔寵嘉之是用敬拜成言爰迨其吉祇循
懿典式定厥祥舜汭一蒂庸藉造舟之力周官五兩
敢忘束帛之虔誠在載書願深垂鑒

復胡之采

人念道先正始慎厥与良宜家邦禮重嘉成定厥祥永言錫祚第河洲詠
淑始堪君子之述而渭涘自天惟集大邦之子豈意
高閭之振擇遂蒙純帛之賁加慶旣令居懿茲盛典

恭惟胡老先生尊親家大人神明華胄簪綬名宗豈
惟身致三公華容為烈至若教垂百世安定足師清
畏人知父子芳標範俗學傳聖史春秋大義中天族
奕又以四聞暨於昭代賢繩其繼作爰有偉人蚤
抽金匱石室之藏王稱吉士旋領青鎖黃門之重國
倚諍臣三尺稜風越褰帷而奠南服一丘深霧遽拂
袞而考中林念老矣之如余信瞠乎其後且也令
器稟靈函秀殊有鳳毛嚴君以愛為勞克敦鯁訓豈
意愚未教之息可寅緣相儷為姍頤誦君家先正之

規幸逢勝已頓釋吾黨椎魯之見寧憚越村冰間殺
臨業成言於倚玉驚盟寵渥願微福於禾蘋敬告寒
祊祗酬眷命

復趙憲吾

道先正始聿諧采苻之述禮重嘉成肅拜儼皮之貺
懿茲旭旦展也令居恭惟門下簪纓華閥傳家載奕
葉之芳敷圭璧瓌材賓國領一時之榮問晉登廊廟
佇看龍見鳳儀鼎盛庭除賸睹芝芬蘭茁衰齡不佞
猥云撫息以相攸明德可依敢謂自天其作合惟是

前徽未遠斷金忘韓孟之年內則匪他依玉比邢譚
之滅伏勵雅誼俯訂媯盟何以報之言歸於好迨其
言矣文定厥祥願徽福於蘋蘩是有燕譽庶施榮於
葑菲式藉寵光

復徐南軒

人道始於大昏永開胤祚天心作之良合肇協媯盟
樂矣令居懿茲旭日恭惟門下東海望宗南州名裔
宣勞標譔夙稱王國之臣詒穀鍾英晚毓謝庭之秀
至如涼族詎意高閼猥荷謙尊過承采擇長者將兒

而卜鑑具曰不遺方孫撫息以相攸敢言非偶祥由
文定豈惟下榻之驪禮寔嘉成爰視宜家之慶敬敷
鄙臆祇報德音願徼福於采蘋是有燕譽庶施穀於
倚玉式藉寵光

復邵瀛山

伏念村家習樸不足以望聲華弱息生愚不足以當
岐嶷惟是潘楊之睦協比婚姻秦晉之盟迭為甥舅
頃尋盟於葑菲既弗鄙夷將脩睦於蕪蔭洵無胥遠
仰占高誼俯愜下衷爰即天謀啓篇政逢吉繇遂諧

冰議量才端得令攸敢不敬共倍有榮慶祥由文定
庸祇拜夫瑤函悚興忭俱敢肅申乎蕪啓伏祈幸鑒
具感眷私

復鄒肖巖

僕鄙里之系家也廼心儀明德且慕為雅道交日家
弟得交於執事執事雅不鄙因得承子而託婿焉既
幸而許之盟交以日親茲者家弟有息齒當次即君
執事復不鄙也幸而采之曰其以室余子者懿哉睦
乎敢不祇承夫仰質行僕何敢望鄒之魯矣廼若兄

弟婚姻則執事者俯而肯比于陳之朱真僕所貪也
是用拜奉華函薦于宗枋敬擇吉以報惟執事鑒之

聘周心吾孫女

伏念寒宗固陋不足望上宅光華然而竊自幸也則
棠梓相樛也草木相味也幌色機聲相接也秦姁晉
雅相絡也蓋世有厚睦而無替悰以施及我姪孫氏
獲與玉枝麟趾相疊繹於文義之交申之以惇契輒
敢徼福前徽而締新盟焉欽哉懿乎自天寔貺合之
謹藉荆載楮用定厥祥惟執事岳鴻德以錫之光亦

永有賴哉

聘徐竹軒女代伯兄

欽惟執事邑之甲宅也僕之生也菲不敢望光塵然
若昔伯氏嘗不鄙而貺之盟矣猥以寒門是稱端族
日者恃茲雅也敢撫第四子介紹而請於門下輒辱
過聽錫命曰俞伯姬之家也余其女焉僕祇拜嘉命
甚之宗祏惟是先人有典諏辰以薦執事幸垂慈而
照涵之僕不勝至仰

陳恭介公文集卷之八

明餘姚心穀陳有年著

吉水南舉鄒元標校正

萬載崑崗張壁同校

從子陳啓孫付梓

冢子陳啓端編輯

墓表

銅陵令陳見山墓表

嗚呼是為故銅陵令見山陳公之墓公上虞橫山里

人也起家嘉靖甲午鄉進士為銅陵令四年歸歸三十餘年以壽終子諸生舜治走錢塘謁公故人陳方伯誌持過不佞請表隧道之石不佞謝不獲則為擊誌讀之蓋竦然重有感焉公諱佐字敬甫誌言公令時嘗賑饑氓弭礦盜烝烝有庶治聲為前後部使者所才會時相分宜家挾百重艘徑銅陵目無令公峻折之業恚乃指江溼漁鹽巨艦為盜搜其貲株累十餘人置縣庭去而張其事都御史所公為力 白其無辜則恚恚遂嗾所知列公不職免歸而公之歸也

性故安和是睚眦即問左有侮者不校也生平箴劂
伎修縛之好八十三年一日云余惟方伯能言慎許
可所稱說銅陵令如此而不佞頃卧舍中頗聞公里
居狀大都如誌是徵也若世系生卒配裔及諸言行
詳誌中不具述

論曰士居常抗顏而譚率自詭豪矣一旦當貴有力
者前惴惴伺顧氣不啻欲身為役甚且身為殺人其
心焉何其媚也比歸而驕其鄉食且寢處之不遺力
又何恣睢也嗚呼難言矣余跡銅陵公始終類異是

在晚近有足多者揭而為之表

墓誌

太學生漸所周公誌銘

萬曆甲戌正月十一日漸所周公卒里之人無不咨
咨嘆以泣者蓋傷長者故而余時謁告歸聞諸道路
輒亦咨咨嘆以泣猶里人也且重傷不遇云歸頃之
公子思寅手其舅氏太僕卿姚公翔鳳狀屬余為銘
於乎士所稱遇不遇獨生乎哉其於施聲後世亦然
公之生既韞璞發鏐功名不耀於殺青歿而規規不

侯者言豈以余能名公於不朽耶余詎敢知曰不朽
公然觀記公矣其何辭公諱如江字允濟其先鄞小
蛟里人也自鄞遷餘姚之千村里者曰千七公越
二十六世有西隅公灃者富矣然能不齷齪為富人
態折節好禮而子姓遂烝烝以賢大夫士起家周氏
之大自是始西隅公三子仲理為王府引禮舍人配
范氏而庶室陳氏寔生公公生而孝友特為王府公
范碩人所愛長受尚書為諸生攻文碩試輒不第乃
以例為太學生即太學試碩再試輒又不第乃慨然

稱曰吾抱利器而長此濩落命矣夫且丈夫達耶自見惟我窮耶自見亦惟我寧其兀兀敝帚以與不在我者驚也於是退而惇履素之節裋躬敕家治比宗黨屏竄絕諛行之無間久之不言成蹊誦義則歸德媿者必曰漸所漸所矣當是時公家王父昆弟暨於諸子後先鼎盛而公儼然以道義下上其間若其微游軋憂一切嚴利交泊若無聞者人胥以為難云公本有志施濟既敝帚章句不為獨好軒岐家言又好居善樂其隱世拯物之意一寓諸醫徃徃起蒼為

粵而不食其報遠近輻輳訴所苦亡問識不識以次
畢應即凌寒襲膚歊暑汗漉漉下身視劑無倦容或
曰公豈德色是者而勞若是公咲不應也公偉軀幹
夙少疾從兄中丞公撫江右以病聞公竭蹶徃視單
衣衝寒因患嗽歸不自恤坐是歲復作嗽疾迄與公
終始而垂歿之日卧而自診趣請其伯兄山陽丞訣
念季弟廣州別駕曰吾不及見也遂瞑距生正德庚
辰七月十四日厯年五十有五爾說者曰盛德不自
穀良樂不自壽傷哉公為人坦夷周慎寡言咲不溢

為喜怒善飲人以和終其身無睚眦者人見謂長厚
爾爾然公之試太學嘗館於御史大夫家夜有執重
賕踰墻弓閑說者公峻斥之不為動其方介類如此
而才諳復朗密家居菴抑無所見時游泄於騎篝緒
畫師心指掌經緯較若具可摹而程也第令公得遇
時而奮竭抒其蘊蓄所建堅可涯量哉一尼於命不
出里門竟沒此君子所為重傷也公配姚氏太僕公
女弟子五長即思寅庠生娶邵武府同知諸公變女
繼姚氏次思賓庠生娶夏氏次思宏娶楊氏次思宣

娶吳氏俱姚出思家娶吳氏庶室沈氏出孫男五昌
達昌俊昌佐昌進昌傑孫女一俱幼思寅等卜以卒
之歲閏十二月葬公運河祖塋之南銘曰

於周公疇於遇兮而亨於脩匪直也脩亦有與人釋
呻而謳命耶曷仇未霜歟難長者莫留人亦云乎百
歲蚍蜉萬鍾贅疣不朽者名孰永孰適我銘斯丘維
以闡幽

文林郎北城兵馬司副指揮近齋劉公誌銘

余舅氏司城劉公卒之七閏月而子貴池君偕二弟

者來也介別駕葛君焜狀屬銘公墓曰先君子不足
以辱子雖然子以子之先淑人故辱狀世父鎮江公
矣敢繼以請嗚呼曩余狀鎮江公固曰先淑人寔臨
之茲又何辭公諱木字元仁別號近齋世居上虞郭
東鳳林里相傳出漢宗裔自唐宋積有聞人公祖祥
父封文林公瀟母葉孺人生鎮江府判公本及公率
繼張氏生經衛君木大學君禾孟後先起矣而兩親
者封若贈也則用公貴云公蚤受博士家言弱冠補
邑諸生旋應例入太學為大司成李公所器顧屢試

輒不第奉文林公諭謁選得北城兵馬副指揮故事
城有分區巡察使知公亡害每檄蕪理以治辦稱滿
三年考授勅推恩如制文林公既拜命而喜
可知也曰吾得及吾生而覩子之舉職也已亡何丁
文林公喪歸歸之明年而報罷家居逾三十年以壽
終公生平剛嚴人憚之見謂難犯事先孝即遠祖祠
墓必飭祭必虔凡一再為鄉飲賓而狀又言當邑人
徐比部疏劾嚴相逮杖都官獄也公陰護之觸嚴志
已竟罷公蓋猶以前過云公卒於萬曆壬午二月十

一距生弘治丙寅七月二十五日享年七十有七配
薛孺人學博公維熊女先公若干年卒生子一點由
太學生官貴池縣丞側室馬氏耿氏耿生二子熙燕
熙娶張氏 忬女熙娶陸氏某女燕娶羅氏主簿君
瑞恩女孫男四應龍聘范氏某女應麟應辰皆熙出
應鳳燕出孫女三長適葛時即別駕君子次適謝獻
可太學君果子皆點出一幼未字燕出初薛孺人卒
公治兩窀餘姚雲樓山之原而虛其左曰吾所樂也
至是諸子卜以公卒之歲某月某日奉柩寢焉而余

小子系之銘銘曰

雲之山鬱葱兮繫司城公之封兮以孺人從兮生洵
樂是兮沒而闕茲宮兮不泐者言徵無窮兮

贈文林郎大常寺博士南河雷公暨配封太孺

人韓氏合葬誌銘

代作

此贈太常博士雷公暨配韓太孺人墓也余覽博士
君狀蓋惻惻為傷之云往嘉靖乙卯陝右歲侵其冬
地大震連數十百城蕩礪露卑民多捐瘠死不死起
剝蓋藏家自救官虞亂權宜用重典不問剝微甚一

切死域內盡痛公家故有困積屬故所析箸伯仲家
若干指合駟駟而食迄生理復始聽婦又時時徧存
里中戶餼之粟蓋所出逾若干石不為籍以故公里
中獨無死捐瘠無死剝無坐剝死辟當是時人人誦
公義久之公施人而斃於所施孺人歿其事復誦
愕相語曰天夢夢天夢夢後一紀博士君顯贈公封
孺人各前稱衆稍稍稱天定矣然博士君猶怛怛曰
父死之謂何且母奚以瞑也噫苦心哉公名世濟字
天德別號南河居士世家朝邑新市鎮曾祖遜祖景

瑞父寬母張氏繼姚氏馬氏生丈夫子三公其季也
公脩而髯端重不浪語少為尚書韓恭簡公所器以
仲女妻焉是為太孺人公為人孝友即事繼母膳菹果
蔬不以進未嘗先也夙夜溫清惟謹伯兄之亡訣公
言見法長有私植浩迅少弱則季繫賴公泣頷之噢
咻二少甚力法間後言公若不聞也者已而法竟感
悔焉公勤畚為生然疎財邑王尹以事詣觀察置對
悉索問右間右知尹法不至罷餽金錢以差既尹調
行衆遮尹責其負獨公也否尹泣語人曰吾謫而知

雷某義也華陰花美客同州急須金數鍰倉卒投公
公直貸之饜其意不以不識為解美終身父事公其
好義急人病類如此然卒構債義者以死初邑人王
命負公貸間公之有逋僕也藉口債逋者直無何僕
歸命語窮公數之以其詭也然竟已責命顧心嚙公
會署邑州同知張銘遣役回出徧置諸邸鎮伍長而
命與為銘役時博士君業為諸生矣諸生家例復其
父兄命遂以搆公仲子士輝謂倚外家若弟諸生抗
令銘怒收之值輝出逮公攝使受笞非其罪也公大

志不能平遂卒孺人痛甚已顧二孤曰是孱又者如
仇何乃身走都御史御史白寃狀銘故進士且都御
史鄉人屬銘同年楊僉事蔽獄竟薄之罪併薄命而
銘又基邑猾齟齬諸生他事錮不令得左右母久始
釋孺人乃持諸生泣時事如此即與若刺手以衝仇
人之胞或不慰而躑躅以絕念無當於復仇之義若
第忍死肄業畢而父教以竢異日者天之悔禍也舍
中纖纖鉅鉅孺人則身執其政以安諸生於鉛槧居
則曰若忘而父乎故博士君奮自諸生起為聞人云

始孺人出貴姓歸之日且甫笄耳然其婦役得尊章
心亟稱曰賢婦賢婦性又喜佐公施閭閻死不能歛
解佩為庀槨不恡焉晚就博士君邸中語未嘗忘
家難也曰吾往瘡瘡稱未亡人以若故幸覩若余自
天幸悔過於雷氏用彰若先公之義而不棄其孤微
忠孝安所酬此念哉孺人居邸中二年婦歸一年而
拜封拜封之明年博士君亟以使事馳入里時孺人
已寢疾不解帶侍者四閱月竟不起公生正德庚午
卒嘉靖甲子得年五十有五孺人後公六年生公卒

年四卒得年六十有三子三人長士耀娶閭
氏次士輝娶麻氏仇氏次博士君士楨萬曆甲
戌進士娶韓氏封孺人孫男四人奮聘徐氏驚聘韓
氏殷洵幼皆士輝出孫女八人士耀一適劉天裕士
輝三長適諸生高炳次字張其士楨四長字天裕弟
捷餘未字先是雷氏不墓葬者三世贈公病之購鎮
南田一區將營窆以葬未就而難作或言田迫廬井
不宜墓博士君乃剏祠其中而改營於鎮北自贈公
曾祖而降畢葬焉別葬贈公華原山下迨孺人喪奉

輿贈公合博士君曰父塋而未銘也傷哉難也母今復已矣孤不孝念所終泯贈公平生而沒孺人之幽哀不述者何以視息天壤大君子倘矜而惠之言乎請以除死嗚呼贈公太孺人專足述也矧哉博士君之苦心哉銘曰

疇躬義而寬疇抗志而抗於輿援寬不貶義抗不損志天道是耶非耶匪身伊嗣謂逝者生矣謂誦者伸矣畢兮隅俱華原之阡殷殷矣

處士持齋陳公誌銘

慶士公卒且塋踰一紀子太學生泰安始持其從父
京兆尹壘山公狀謁陳子銘陳子謝不敏則啣泣請曰
傷哉草莽也舉世重高祿百歲夜類有以藉手而託
於後世即草莽豈盡樸遯率多泯泯蓬顆與塵蔕盡
傷哉然孤所不忍得一當青雲之士而竟泯泯其親
也君竟無意乎陳子聞之慙然曰往余雅聞陳持齋
陳持齋未之見也按狀則持齋蓋慶士公號云慶士
名維字用政其先台之銀城人由台徙饒由饒徙德
興其後有遠者宋宣和間進士為郎建炎寇躡而南

昉家上虞遠幾世需又生頊又生北庄公遂封南京
河南道監察御史配嚴氏封孺人三子伯紹為御史
終韶州守季綰刑部郎中虞士仲也始北庄公程三
子學家纖鉅一切閑北庄公手既韶州公弱勉借計
吏而刑部公生有異質虞士私念即皆學誠善獨棄
何役家大人役且未與迺北庄公意良合授虞士政
即家纖鉅一切閑虞士手北庄公嚴虞士即又一切
當北庄公北庄公不問家事而韶州若刑部得一意
仕學後先成進士豎聲寔多虞士力也虞士性孝友

憲為義方家鼎盛且總高訾入未嘗私名一錢出不
乘權為豪舉且時時急人困人以是多處士爭誦焉
然處士雖總高訾乎雍容騷人奕客間有雅致嗜古
圖書往往嚅嚅諸襍家言客聽者輒嘆曰嗣又載處士
也晚歲憲為義益甚嘗曰吾先人雅好施舉若季載
其緒而之官既已施諸氓吾欲施諸鄉廼斥其羨粟
期以長夏訪空乏者而散焉宗鄙僂指而岐之若望
歲廩至而附困下若取諸外府歲為常間值大侵困
下瘠倍集倒困未周益以宿絀不計也處士卒之歲

受粟者如期往則病已革頽從子代發困困未及發
傳曰虞士逝衆弛櫓而哭纍又載通焉虞士嘗為社
倉私議權斂發劑多寡斟酌法故變化足術以為如
是可長恃無恐且欲捐粟佐官帑請而行之未及果
卒虞士困粟之所世傳宋有周元吉氏崇土為墩望
里中炊不煬者亟餽之粟稱周長者山廼今復有虞
士而太學生又言先君營長者墅也蓋以虞先大父
曾大父不諱即其趾祠焉構堂曰永思樓曰岵望每
歲發粟必禱而請事云且出虞士所為永思岵望諸

記示余余讀之隱然見其為人也處士生弘治乙丑
十月十日卒嘉靖甲子六月二日得壽六十配王氏
以善相聞生子一即泰安娶周氏鴻臚序班娶所公
如綸女女一適太學生劉世美孫男志濶孫女三
字周叅議公思克子昌弼一字庠生葛君熒子廷覃
墓在百雲山之麓莫畧獅山陳子曰余觀處士身微
區釜之祿名氏不登於一命然鄉之人皆誦其義不
窮名至傾一邑於乎人祿榮名寧有量乎銘曰
鬱佳壻兮百雲君子婦哉展采泯誠不以祿亦祇以

義昭哉斯文

敕封安人趙氏誌銘

趙安人者遼東行太僕寺少卿蕪山東僉事邵先生
暖配也先生為尚書刑部郎時以考最封故稱安人
安人沒逾暮先生手撫行實授簡於門人有年使誌若
銘有年門人也何敢辭不佞抑內行不出閭傳先生
之信可矣按狀安人父家邑鳳亭里人也系自宋秦
王德昭牒有預編系名二十八字今尚循守之趙七
世有名義誠者為宋尚書墓在安人居側又五世有

名古則者為 皇朝瓊山教諭世稱撫謙先生者也
遺構萬書樓安人家居焉安人父文憲撫謙六世族
孫官揭陽縣鹽課大使配范氏安人四歲失母大使
公為繼娶於何喁曰專為此女也年十三謀所字則
先生蚤翹然有儒嚴矣然孤也考贈刑部公以平樂
幕終用宦損世貲人又多為高貲請者大使公皆謝
去竟字先生至嘉靖丙申歸焉時嘉姑陳太安人特
內政觀安人莊厚無華善之有尊行沈太恭人者一
見稱曰異日必為命婦人初未之信也迺太安人獨

心許而安人又喜事太安人每歸寧歛諸蔭鑰上之
去惟君姑所需不言私蓄幼叔當聘傾其奩中裝簪
易之佐純幣焉太安人喜曰微婦幾不能成禮從姑
毛孺人楊淑人者間歸太安人念設饌苦飮安人輒
先揣知之為解簪治具白太安人召飯盡歡其所意
承顙如此先生庚子補邑諸士癸卯食廩及丙午累
試皆高等名益起然連不得志於省闈太安人意不
能無少觖丁未壽六十欲謝止賀者安人曰慈母撫
孤兒幸立矣又幸逢壽辰棄何以貧且未遂故闕饋

慶乎乃張筵款賓姻賓姻畢集皆安人任之也已酉
先生舉鄉試第三再上南宮未第繼遊大學比歲皆
外寄安人以養躬脩饗滌先生常若侍然乙卯太安
人疾作屬安人在蓐甫七日也力起奉湯藥凡二十
餘晝夜太夫人竟不祿安人方產而慟遂成痼醫居
瘠以情先生茹素安人亦茹素迄祥焉己未先生成
進士安人聞報曰嗟吁太安人獨不能三年待乎為
愴然泣下庚申先生公役過家以安人北隨授刑部
廣西司主事有武幕犯當戍重賂安人宗弟丐末減

安人質責不為通竟寘諸法遷福建司署負外郎滿
三年考安人制多媿詞云癸亥有巨璫圖釋憾於先
生無所得會一方士為太常卿者世廟夜分亟呼
之不至璫謬曰從邵負外駿飲也遂逮杖落職夜舁
出城徑寓址安人語曰猶有天子君必無恙萬一不
測吾當撫二子報也已而侍婦調護保綏創亦旋愈
家居凡四年 穆廟登極之歲言者爭言先生賢不
當廢用 召起戊辰改工部郎中出知西安府安人
自家入陝携叔氏遺子女以行即先所佐聘者孤也

在署三載嚴局鑄察僕從自奉常菲薄嘗曰賢者多
忤恐不能久畏途今奉在二千石良約迨歸田則已
泰矣庚午先生果有所忤量移罔寺歸謝不就職尋
報罷方先生之召起也說者謂公卿且鼎至顧一麾出
出矣謂頃之且大用顧不究於用多為先生惜者安
人曰吾固知之也贊先生優游里居沒齒無尤悔云
安人生平質直無留詐又篤於誼先生王父兄稷為
御史背母孺人逝安人姑視之歷二十年不衰終其
身焉先生姊適巨室中饋迎同居者三十年曰吾君

姑之所愛憐也於乎人孰無兄弟姊妹然而或失贊
若途人盛相傲困苦不相收恤豈少哉乃其訖多角
婦言始信有如安人足風矣安人生正德庚辰正月
十七日卒萬曆戊子四月八日享年六十有九子二
相周太學生娶二尹陸公晉卿女柱周太學生娶左
方伯孫公鏢女女一側出適都轉運使陸公一鵬子
夢禎相周生子一廷美女一許字三尹陸君寰子元
輔柱周生子一士美女二以萬曆己丑十二月二十
九日葬鳳亭金鳳山之原銘曰

有美瓊枝系孔長鍾為淑懿時以降顯允內則孝且
莊言相君子德有光紫泥褒嘉服用章生自鳳亭終
永藏勒茲貞珉詔不忘

行狀

刑部左侍郎邵公行狀

萬曆甲午秋七月十日刑部左侍郎邵公終于寢不
佞屬乞身歸蓋聞諸道路云抵家公子欽順奉公行
實之不佞藥鑪病榻間以狀請嗟嗟病夫則爲文哉
亦惟是潘楊世睦又安能恣然於五十年之驩一旦
交臂而失之者且不佞晚從公後爲中執法少司寇
若貫所纚纚公生平在耳也廼力疾爲狀公諱陞字
世忠梅墩其號系自召康公姬姓以分采召地氏焉

嗣加邑為邵代多聞人迨宋有康節先生雍雍乎伯
溫伯溫子溥博博為蜀派溥浙派開慶間都巡公忠
携子奉化州牧子泰昉居餘姚泰生浩棠浩棠生德
懋德懋生宗周宗周生復生復生生悌思悌生珉
為金溪儒學訓導則公曾大父也訓導公生公大父
文達封刑部主事贈工部郎中郎中公生二子惠容
任刑部主事次公父惠久任邵武府知府終公貴封
中憲大夫右僉都御史前妣吳氏贈宜人妣張氏封
宜人皆以公貴贈恭人公少不好弄動止如長者始

受室盡歸奩田外家人已占其識度不凡矣家世為
戴氏禮公悉發藏書讀之為文輒超乘嘗從中憲公
水部即而伯兄偕計吏來所操觚遊皆先達名家也
公輒屬橐韉與周旋識者謂邵氏二難伯業遇季尤
不可量也然公依依侍北戊午年二計有回矣始歸
試一當有司為邑諸生丁卯舉於鄉戊辰成進士選
讀中秘書庚午授江西道御史時有買珠之後李都
諫諍之力忤繫公特疏都啗破產哀號狀請痛自裁
省併釋諫臣已而心動得告歸道與母恭及郭繪公

痛母恭人之溘捐祿養也身之不躬含殮也致毀襄
事廬墓側者三載芝產廬次僉稱孝感云癸酉服闋
補河南道御史出按蘓松四郡首疏寬逋負而時政
方用考成持下甚急公獨以博大寬厚得民之心凡
所疏請犁然其言之也然且不迫用能得之於士鐸亦
究焉雲間吳某嘗為邵武司理故罄中憲公下之石
者也公至而釋其子之重繫者曰吾不脩郅亦不以
沽厚有直道在爾丙子再按江北江北故患冰比歲
民不堪其災勢且為祖陵漕河梗公根脉之創築泗

限力濬海口且䟽改折䟽留賑䟽蠲恤所為掄循時
至戊寅三按江右時有 旨查革書院公䟽存白鹿
得不槩毀土饒赫號額有輸則病奸漁俗不理機杼
額又有輸則病市易公䟽減紙直而裁絲絹之半以輕
齎供民用紓焉辛巳報 命時公臺資閱一紀矣會
當京察留掌河南道以公誌稱先是南督學缺執政
豫以書嘗公力辭免其監已卯試也他直指使多借
試題寄媚公獨否策問更議考成或謂公不虞忤耶
公曰士君子安有以字句逢人者趙侍御失執政意

御史大夫用他事論罷之公語同列曰大夫從蒲團中度半生今日乃爾爾哉或以語大夫公亦不顧已而晉江王司寇時為民部郎䟽論大夫得罪去交游莫敢近者公道送之且資其行公立交戟之日少攬轡之日多空言少實政多形於搏擊者少施於補救者多且善善長每嘉輿為義惡惡短率不比周為非蓋天性也是歲陞大理寺右丞已轉左壬午陞右少卿癸未陞左少卿署寺事侍經筵尋陞都察院右僉都御史督撫南贛始壬午西宮覃恩例有封典奉

封中憲公如新銜馳歸便省逾月中憲公忽遘疾不
解帶侍者又逾月竟躬執大事繼循例得諭祭併及
兩恭人云三載哀慕一如喪張恭人時丁亥以臺省
屢薦起家巡撫湖廣適歲侵饑民焚掠白晝大都中
公亟梟首梟者以殉而多方賑發以安集之間肆不
聳積賊劉汝國出沒太宿蘄黃間乘機鼓誘勢頗猖
獗公日夜計畫先設堡哨遏其衝且移應天府撫操
協勦之賊困負固不出公檄播兵往身督師黃州進
薄其巢賊倉皇焚巢走兵所追俘甚衆汝國既失勢

旋束手就縛矣事聞 欽賜銀幣楚人士勒石頌功
焉已丑陞左僉都御史回院協理初 潞王之國有
以京邸莊田啖之者王請之溢於故額濫及民間世
業將為楚亡窮害公雖瀕代慨然曰柰何自擊其事
心知其害而顧貽之後来乃列見田實課以聞且議
徵輸屬郡縣毋滋官校擾其為地方慮久長如此虞
寅陞左副都御史隨陞刑部右侍郎辛卯轉左侍郎
署部事已有撫浮言求多於公者 上幸察公無他
然公力求去不可回矣壬辰竟賜告歸公閑邊有用

世才終始法官常依於慈厚凡三持斧一建節四
民多德之吳金山有碑楚有祠語具徐文貞公吳方
伯公國倫記禮士愛人所推轂為名臣若賞拔名士
不能縷指士亦多愛附焉乃未究厥用歸矣說者謂
賜環非遠而公方屏居里門時與二三好我載酒賡
歌自適於煙水菰蒲之外他不問也居不三年一疾
長往惜哉距生嘉靖十四年乙未得年六十公天性
孝友中憲公有蚤蝨斯之慶比歸自邵武時惓惓也公
乘間請曰大人慮諸兒乎長兄徹大人之福魁鄉薦

笑仲善為生井簿太湖兒雖謗然而諸生哉當強自
力顧大人勿慮也不腆先世之遺與太人所節縮二
千石餘祿請畢分殤弟之娶若三弱弟者中憲公道
然嘉其義已卒如請諸舅皆從義無間焉公奉諸舅
甚恭事寡姊呂安人甚謹愛母弟甚篤待庶弟甚均
而屬朱恭人視娶姊甚善比母弟舉於鄉庶弟皆立
娶以節表而後津津喜可知已世父刑部公素寄公
每祝曰願及見若一遇也及公第刑部公方捐館居
恒念之每奉與中憲公並祀且持携保植其子若孫

終始慶勛焉邵巨宗交游又廣祿入輒分遺宗戚及
昭宿所識貧乏者間緣手盡不惜公沒誦義藉藉云
配朱氏累封恭人處士彩五公女子男二長即欽順國
子生娶蔣少叅公勸能女恭人出次欽馴娶張憲使
公對女側室王氏出女一適鄒方伯公擇仲子國子
生士登孫男二長洪綱次洪綸孫女三皆欽順出公
之特後喪也遂營壽藏於豎玉山之麓朱恭人先卒
葬焉至是欽順等卜以某年月之吉奉公即窆而不
佞為狀其大都如此

承直卽鎮江府通判立齋劉公行狀

立齋劉公者先淑人宗弟也萬曆六年二月二十有
三日卒先是公擢艇過余里居褰出間居所賦對若
干聯示余多格言又姪又諷諸生時業旁及青樓諸家
書夜分更僕語不耄屬耳不一月而訃及矣余扶服
就甥位哭既頃之公季氏太學君寔來稱公遺言以
狀屬且曰伯氏且徼福於子之先淑人而屬子以不
朽子必無辭嗟嗟余小子即不佞也與哉渭陽之卒
章謂何是在小子公諱本字元會相傳出漢中山靖

王後晚唐有為殿中丞者左遷象山令遂居上虞又
之有劉氏始此其後曰瑜宋祥符間進士為秘書省
校書郎曰漢弼嘉定間進士為戶部侍郎即七傳
至祥祥生文林公瀟配孺人葉氏繼張氏則公考妣
也文林公四子伯即公仲木兵馬司副指揮叔禾衛
經歷季木大學君而文林公若孺人封也則以仲子
官云文林公世家家故高訾慕與邑中學士大夫交
驩且心知伯子才則遊其子學士大夫間令問學當
是時公始受博士周易西山車先生者即咄咄手所

試英稱劉伯子才也弱冠補邑諸生已應例入太學
嘉靖庚子舉順天鄉試庚戌謁選山東博平縣令何
丁文林公憂起補福建之永安永安巖邑也或惡諸
當路入殿刺大冢宰廉公考不當罷調斷事福建行
都司居散局中嘗一承部使者檄俘劇賊最尋量移
判鎮江府有時水利董馬政等勞殷稍稍起而公則
倦遊矣竟歸公自早歲好稱說古昔臧否當世賢豪
睥睨天下事無難者為人故翫壁不工為周容數復
奇以故訖齟齬不振公又喜譚說文所至褒譽髦門

下為揚榷博士家言往往有興者士亦以是多為迨
家居性簡出交道亦黜日課子學蒼頭田間與形家
者流選勝山坳水曲老不勸逾二十年所用壽終終
之日適有時饗衣冠束帶帥暮功弟姪拜裸献祀祀
戢戢如平時禮成忽歌暈掖入寢卒距生弘治十二
年十二月晦得年八十配安人謝氏同邑虞士友松
公女無子為公置諸姬得子一曰安國王氏出娶同
邑陳公泗女女五長謝出適同邑池州府通判徐公
子宜子希孟鄖縣主簿次謝出適餘姚霽都知縣許

公來學子充璧色庠生次謝出適同邑處士張公梁
子承熙臨江府知事次姚氏出適餘姚刑部郎中孫
公佳子鐙騰驤衛指揮次王氏出字餘姚潞安府知
府陳公堯子嘉果直隸延慶州永寧縣廩膳生未歸
殤謝安人先公二十年卒塋餘姚烏膽之原蓋公所
自卜兆也安國將以某年月日奉公合塋且督狀事陳
有年曰余狀舅氏先淑人寔臨之余敢溢為卮詞賈
謾譌之罪乎哉夫像肖容狀肖實如其不朽乎以琤
作者

大中大夫湖廣右叅政紫墩陳公行狀

公諱壇字山甫別號宅平又稱紫墩居士系出宋武功大夫京畿都統領昇居邑開元鄉登洪里十二世至仲徙邑之學宮西又五世簪為儒官簪生炫邑庠生是為公皇考也贈徵仕郎南京吏科給事中配聞人氏御史公謨孫女封太孺人太孺人姪公甫七月夢有物從五色雲中降入懷視之日也覺而生公故小字紅官五歲言動異凡兒聞人讀書輒成誦七歲就傳九歲通戴記十二博綜群書督學劉公試奇之補邑諸生計

立試邑士第一食廩潘大常公府貢人倫鑒識一見
失賞遂許以姪庠生禹錫女妻焉年十八為正德己
未舉鄉試第五上南宮未第歸傳經外郡後進習公
後多有名而公學亦益邃會有給事公之喪奔赴頓
絕力羸棄大事幾不能興公母兄二弟一遺貲產悉
譖焉而身任大孺人養以孝友稱嘉靖壬辰會試亦
第五比廷對譏切時事得三甲第五初授行人明年
天子幸太學奉詔取衍聖公顏孟博士及三族老成
人遂徘徊闕里登岱嶧觀夫子遺風斐然作記有云

狂簡之思焉公身不能五尺脩潔蹕厲聲英英出等
夷乙未選南吏科給事中時武定侯郭勛怙寵奸橫
甚首䟽劾之又嘗與宗伯其抗禮不相下兩闕上已
復論宗伯舛舛入禁河飲郊壇上大不敬天子為
遣勲戚勘報奪宗伯俸一年亦奪公俸兩月宗伯者
蚤有盛名且以議追崇禮被天子重眷者也於是
陳給事之名振一時而公又䟽請湔革除間被罪諸
臣祭其墓錄其苗裔它如復起居注諫官隨宰相立
朝進稽古錄脩經筵講讀救文弊節無益慎守令行

久任嚴邊防諸所建白無虛日皆関体要云嘗巡視
九庫宿弊如洗充精訪吏治端衰會當■拾遺彈事
一出人人無不中的者丙申值覃恩例拜封制戎戎
考三年滿北上分宜内憚公直遣子世蕃郊迎請寓
私第公辭疾不見擇僻街寓焉厥明分宜身致餽餽
歟曰都諫高文婷節茲來無它欲令豚兒少知文學
習桀矍耳公復避席謝卻之分宜嘆曰吾乃終不能
致陳給事而公之返南中也復䟽言嵩奸事雖寢不
報然分宜益恚思中公無所得辛丑陞湖廣督糧右

叅議先是倉官留滯守支併其奴多化離客死公為
白寬見罪而更議交盤給由法勿苛留迄著為令楚
多曠土江右人得闢入耕播甫歛輒闢出不占籍即
占籍有司格於分土糧逋歲益比委覈輒坐筦收者
罪筦收者知不免益務為乾沒罪日報而逋自若公
第為根索逋所繇不事峻法民更樂輸癸卯比士為
諸經總裁得僑居多所錄文悉公手筆也甲辰陞山
西副使總理紫荆居庸倒馬等關兵備時恬法刻上
下以利交率謬稱例士若馬闕輒不補而私其糧芟

公至屏斥例金蒐補士馬虛籍軍政頓肅其冬虜穿塞入張甚總兵周時徹議守倒馬關公議守浮圖峪周曰倒馬城壞不守守浮圖何也公曰吾聞夏築峪城死壓者若而人此警兆也且關瑕彼虞吾守峪堅謂吾無備兵法云攻其所不守守其所必攻君無疑焉無已少置衛倒馬城上而益東藁為疑兵可也廼厚集鄉勇結營於浮圖虜果突至相持七晝夜誓衆奮擊斬首數十級虜遁去督府上公功最分宜故不忘中公更佯驚曰書生乃能如此耶當益久其任為

三閩重耳蓋將假邊事求多也時冢宰熊公決雅重
公推調廣東提學分宜輒意格不可部力持之卒用
公分宜乃用其暱黨楊以誠按廣密授以意公於文事
最精行部不數月而周所得多名士若海公瑞龐公
尚鵬皆高等也嘗道厓山見石勒元大將張弘範滅
宋於此立碑之改勒宋少帝及其臣陸秀夫死國於
此又嘗篆文丞相正氣歌立碑五坡嶺其重風教爾
爾丁未陞湖廣右叅政道奔太孺人喪歸以誠竟誣
致公過分宜從中主之遂報罷林居逾四十年家無

長物隱約如寒生性好古日危坐一室湛潭國史老
耄不勸久之四壁萬卷莫不有雌黃丹墨焉歲時閒
暇間與父老朋舊譚文賦詩圍碁啜茗陶如也晚愛
四明山水營別墅其間選勝標奇杖履行吟翛然樂
而忘老云龐公按浙時具疏將薦公公曰野人習丘
園不復能任畏途矣力辭乃止至於謠俗便宜若沉
寃滯辟無不極言而龐公亦竦意承聽然終不令久
知也公詩文不為奇峭皆爾雅有法程書法亦精嘗
為人跋智永千文後江陵聞而欲得之或持贖帖求

跋公曰昔人謂孔光不識進退字張禹不識剛正字許敬
宗不識忠孝字柳宗元不識節義字今江陵蕪之寧識
我字耶竟不為跋所著有受歟稿文集若干卷詩集若
干卷及四書戴記存疑行於世公生弘治壬戌六月十七
日卒萬曆戊子正月二日享年八十有七元配即潘
氏封孺人讀書通文相公學仕有內行嘗刲股已太
孺人危疾其從公於廣也篤念太孺人家居疾既革
連呼太孺人太孺人乃終生正德丙寅二月九日卒
嘉靖丙午九月十二日享年四十一繼會稽邵氏孺

官邵公文玉女歸公在懸車後能持家政不煩公生
嘉靖庚寅九月十九日卒後公一年己丑十月二十
九日享年六十子六鉅邑庠生已棄去為定海把總
娶二尹張公遜女釐郡庠生娶吏目陸公寧女萬鎰
邑庠生娶二尹沈公濟女萬鈞娶州守徐公恒錫女
萬金娶王君正懋子承訓鏐適郡守吳公至子庠生金
鈿適王君正懋子承訓鏐適郡守吳公至子庠生金
釗適憲副徐公九臯子正宋鉅釐萬鎰鈿鏐俱潘出
萬鈞萬金萬歛釗俱邵氏出孫十洪謨娶庠生于君宗伊

女繼朱君時宣女洪立娶韓君子

女洪烈邑庠

生娶巡檢楊君大紳女洪度鉅出文治郡庠生娶庠
生邵君喬楚女釐出洪惠聘熊君應麒女洪勛洪範
萬鑑出洪業聘庠生朱君應龍女萬鈞出洪先萬金
出洪達萬欽出孫女八淋適大尹韓公皋子三尹
裕瑞洲容適庠生徐君貞子庠生光趙淋德適庠生
沈君大經子文煥鉅出淋言適吳君應魁子大韶釐
出淦適州守沈公祖學子兆行洪美適大尹鄭君道
子需晉萬溢出潯適太學生楊君應祥子邦奇黎萬

鈞出曾孫五本初本有洪謨出本端本方本 洪
出曾孫女三二洪立出一洪烈出鉅等卜以己丑年
十二月二十四日合葬於桐湖南山頭之原輯公行
事將乞銘於立言君子謂余宗人也宜為狀遂次而書
之備采擇焉

封奉直大夫蘄州知州徐公行狀

公諱子麟字世亨別號南石其先奉化人元季琪六
公者始遷上虞之下管鄉七世而為聘君文彪有大
節 武廟初以賢良徵忤堅瑾謫戍瑾誅釋還沒祀

鄉賢詳不佞所為傳中公聘君第五子也聘君從弟
慶士君文卿無子請而乳之遂為慶士君後公岳驄
受二南年十五補郡弟子負已食廩每試輒高等郡
守渭南南公大吉雅意作士闢稽山書院群諸生高
等其中與講道藝諸生不能無乘而闕請公未嘗闡入
一言間歸起居聘君慶士君聘君慶士君問館中何
為具以對兩翁者交善之也公益漸於聘君之教亦
其性固然尤篤於孝弟善事兩翁生者不知其為人
後後者不知其為後其與四伯氏友自幼至老怡怡

無間云七歲喪所後母劉碩人即能喪已喪謝碩人
已喪處士君葉碩人先後致毀式禮無間矣遂濠發
難之歲會赴省試處士君聞暨畢真者謀以浙應濠
也嘿然心危之公隱察意旨遂不赴繼而屢試輒奇
所善友約為太學遊公白兩翁許之矣業請牒而歸
鍾宜人微語曰舅固喜歌比者何希也公曰有是哉
即長跪處士君前曰頃過聽友計兒何能一日離大
人遂持牒謁督學使者以至情請竟止處士君始驩
歌如初已所善友繇太學連第遺書謂子才倍我何

自失拾芥之會空匏繫為固哉子之為孝也荅曰與其貽親憂也寧固其一意養志且安于義命顓如此嘉靖壬子應貢赴春官明年選山東朝城縣學訓導待士有禮間助其不給未朞乞休時督學使者梅公守德故越守上公春官者也檄縣固留公曰人生適志耳吾志不在軒冕將歸而教吾子矣竟固請歸時年蓋五十有七也歸十年而冢子蘓州君舉省試又二十有二年而公受封為承德郎寧國府通判又四年晉奉直大夫蘄州知州皆以冢君考最故公性夙

蘭澹即儼然再命為大夫哉服而拜命旋敢襲之希
復御矣郡邑飲賓屢宿公嘗強為一起已不復蓋屏
跡城市者幾四十年邑大夫或造門就見謝曰病不
任迓也居恒端坐室中顙顙百氏手錄成編老而忘
倦凡得若干卷焉為人易直有桀度凜凜以禮法自
藩亦以藩其家家人舉動少不當公意若斧鉞之在
前也必改然後解顏其與人交一依於厚生乎不見
狎侮之色嘗有售產於公旋復他售公置不問亦不
為若德子姓臧獲間與鄉人競不計曲直一坊引過

吳謝人多自慚退者歲嘗大侵公出粟倡於宗為粥以食之里中賴焉宗繁晚歲公為政大小胥服或有口語欸欸解諭各厭其意去邑里譚公者無不曰盛德盛德云公嘗謂身不能報國自蘓州君仕時時傳語無恙善服官用成而翁志每聞政善有轂則喜聞移牒歸侍則不樂故蘓州君所至以賢聞人以此窺公之蚤退蓋隱然伐檀之意也萬曆甲午六月不豫命勿藥啓手足之日家人環侍問十姪尚未死乎後我而死若輩當佐為經紀之十姪者公長兄之子也已而

曰吾自省此生於父子兄弟夫婦諸倫頗無愧憾幸
今以壽考終所願若等謹言慎行無忝厥世吾目瞑
矣旋隤然歛神色而逝蓋月之十六日午時也距生
弘治戊午十二月十三日亥時享年九十有七配鍾
宜人 不佞業有狀狀後贈安人晉今稱子男四人長
即蘓州君希明娶同邑處士薛君光兄女累贈宜人
繼娶處士李君會女累封宜人仲希瀛邑庠生娶同
邑湖口縣知縣趙公華女繼娶餘姚縣處士黃君子
恭女叔希韓蚤卒季希歐邑庠生娶同邑生黃葉君

緯女女二長適餘姚縣廣東按察司僉事江公
第三男散官世廉次適同邑陝西道監察御史賈公
大亨男生負璠孫男十人如山貴州黎平府學生負
娶同邑生負潘君思道女繼娶餘姚縣定州判官邵
公瑞辰女如岡邑庠生娶同邑生負胡君多功女如
璠府庠生娶會稽縣生負陶君大禮女如圭府庠生
娶同邑湖廣布政司叅議潘公清璽女俱希明薛宜
人出如斗邑庠生娶同邑建陽縣縣丞劉公禾女希
明李宜人出如璧娶餘姚縣處士周君女希濂側

出如玉邑庠生娶同邑虞士鍾君文瑞女如翰邑庠
生娶會稽縣廩生董君祖慶女如龍娶同邑生負陳
君忠女俱希瀛黃氏出如金邑庠生娶同邑生負陳
君達女希歐出孫女二長希明薛宜人出即適不佞
有年封宜人次希瀛黃氏出適餘姚縣太學生黃君
鯉男太學生三策曾孫男十人庭芝庭英如山出庭
槐庭梧庭楨俱邑庠生如岡出庭梅如璧出庭訓如
圭出庭策如璋出庭栢如玉出庭松如龍出曾孫女
二人長如璋出次如金出玄孫男二人胤光胤蕃庭

槐出胤隆庭梧出外孫曾玄孫男女五十人不具次
始公後處士君一人耳迨今度百歲乃去而喪公者
殷殷如雷也濟濟斌斌肇自公一人而滋大處士君
之祚豈其偶然矣先是鍾宜人率公得吉車山之陽
營二窰左曰壽藏至是蘓州君等卜以二十三年十
二月二十八日之吉奉公窆焉頌不佞為狀不佞習
侍公公不道賸錢一字語察之矐而睟逾耄猶手作
蠅頭書行不杖趄趄也其養必有異人者間嘗扣公
公笑而不應徐曰吾一榻之前見日色當窓花影搖

曳心道然不知所以然時而日暝燈遲宵然四壁心
道然不知所以然不佞聞之至今爽然自失也即欲
狀公烏得而狀諸又嘗憶公壽日預約上壽者勿以
文曰文我過情祇令色赧耳其盛德若虛如此今即
狀公能必當公心不為之操簡莫知所裁雖然微不
佞誰當狀公者爰跡外舅所授行實次而書之無愧
辭俟志墓者考焉

伯兄署正公暨嫂張碩人行狀

署正公諱有勲字元之別號抱愚晚更號曰安愚云

七世祖寶一公始居餘姚之千瀆村六世祖行祖二
五世祖行裕三高祖諱文仲曾祖諱孟昂贈通議大
夫都察院右副都御史妣嚴氏周氏俱贈淑人祖諱
巨理累贈通議大夫都察院右副都御史妣周氏累
贈淑人考諱克宅登正德甲戌進士任終通議大夫
都察院右副都御史妣唐氏累封淑人育不佞兄弟
四署正公則伯兄也伯兄幼志意不群比讀書蘄然
識嚮徃先大夫嘗以議禮廷杖創甚家人聞者皆
失色伯兄獨曰義也何憂且天不相直乎先淑人異

之曰吾憂創耳兒言廼能爾爾伯兄退而棄時義先
大夫知之督令卒業尋補邑弟子負慕陽明先生嘗
介先生門人將問學焉遇前驅繫一人或曰宗也過
而衝辟者伯兄愕然先生門人曰先生起家征岑寇
有師命不可不肅竟不謁迨其磴磴行一意自妙然
已 莊敬皇太子生之年侍先大夫留都值覃恩當
廕奉咨以北而會有孽先大夫征苗功者 旨候勘
明伯兄乃應例入國學繼改南雍遂歸侍庚子就試
應天歸先大夫不豫侍湯藥者垂兩月械封額天祈

臣齡以代竟泣血執大事痛疾誠信一式於禮辛丑
伏 闕上疏言臣父克宅功至易見頃者省愆待罪
五年若忘特 聖明也不幸溘先朝露功罪未白臣
寔痛之及今不言是臣父終然不得以貞信事君而
臣生不得以貞信事父抱痛無窮已時乞 敕下部
催勘其明年勘報覆 先復先大夫職與贈廕祭葬
伯兄於制應廕且先大夫遺容具存乃獨念不佞有
年曰先大夫棄季弟蚤然屬續日不一言命我以我
為能立其弟也弟今纍如立不立未可知何以慰在

天之靈遂以有年 請既得 請進年誠曰先大夫
棄汝蚤然厚期汝吾聊為汝階汝如終賴此是大負
親也不佞年蓋惕若負者當是時家遘閔凶先廬繼
燬先淑人勛勛任之倚伯兄為政拮据經紀備極諸
艱不敢棄基亦不廢鉛槧日取經史百家課不佞年
相與讐新若嚴師小友已而不佞年叨舉例當補廕
所親謂伯兄改註任子便咲曰何以此為吾綵衣北
堂老爾老驥伏櫪每值試期未嘗不挾執往隆慶丁
卯伯兄蓋十二試矣先淑人撫行李嘆曰何當易此

先服見者其冬謁選山東平度州判官承親志也既
之官時時念投効明年會又聞先淑人疾亟亟乞歸
當道牽文不與歸與便差就省而先淑人已不待矣
訃黃昏至哭絕甦步投蕭寺黎明而行隸及諸郊御人
及諸野星奔抵家致哀式禮猶之前喪也服闋補判
濮州嘗攝刺史又屢署屬邑廉而有為一意勤恤百姓
民多德之濮產鹽自食然制行公鹽歲額舊百引官
為歛輸商利其易集也扶貴人屬鹽官使者歲益之
至盈千引著為額民困不堪伯兄力請于後使得損

十之五焉貢鮮庵徑濮先轂橫甚伯兄糾役城外視
篋受役無它羸庵恚噪而入騎而負偽勅者赤提
而導者舁黃篋者勢怏怏也伯兄為設亭案鳴金鼓
召師生里胥以須謬若迎勅然俄庵攘臂進令予生
呼曰龍亭在上宦官直行御道大不敬又令一生
前請啓勅庵寤伯兄乃質責之曰貢故有簿正外
為私挾柰何勤數千里候人又因以為霍爾賊不訾
爾罪亦不訾且濮故非長安道也爾迂而徑我又
不爾拒亦惟是臨馬故而爾故委篋以脅我爾則自侮

我於爾何有奄噤服領篋去觀城旱伯兄以署往趣
弛不急之役歸之農致齋步禱不問術家不建法醮
身與城隍誓曰我職治民有如奉職狂悖神其罰殛
我無貽民災又曰神職庇民有如十日不雨是斷棄
我民矣禮當變置余不敢佚罰比十日不雨扃其廟
屏其香火更置壇墠徧索于群神又二日雨百姓咸
悅且曰難哉行幾微不愼餒矣烏能誓神范令政敗
繫獄承檄往視盡拘其黨敗政者薄令罪而歸之後
令甫至而卒再往署事當積蠱之後政務宜民邑以

復治在濮幾考中丞直指右監司部使交相勞也獨薦于朝二甲戌陞南光祿典簿光祿職司多與宦寺相須伯兄至寺人曰此故濮劾判也相戒勿擾丁丑書滿曰吾將老矣會遷大官署正而伯兄業先以致仕請䟽入許焉岳索入里門食貧稱道性故孝友垂老念先父母如一日每諱哀慕至不勝訓子弟必以孝悌勤儉篤于九族孤寒者煦煦收字教之其不善者凜然惟恐聞也與鄉鄰交不為詭隨然而必依於厚邑里有識無不曰先進遺直云丙戌十月得

寒疾以月之二十一日不起距生正德庚午九月
十四日享年七十有七伯兄為人亢爽自信耻姘娶
絕卮蠟意所獨到不與石轉譚經術論時事娓娓鑿
鑿辨者莫能屈為子言言孝為臣言言忠居常言士
不專傳註官不式憲綱少年不稟畏尊長閭閻不歸
淳朴皆世道大患慨然有隱世憫俗之致焉喜善疾
惡著於丹衷語及宵人墨吏嚼齒大罵指九天以為
正也聽者懔然平度名宦故祀漢相王成伯兄曰嘻
此非偽增戶口者乎何以風事君者即卓牒請釐革

之未及舉而歸每語以為遺恨性嗜書然不讀非聖之言尤憎釋老所至燬淫祠逆妖僧而不佞循記童時有舁子母像及門者伯兄叱之去不去吾且斧木偶舁者不謂信也斧出始舁以走疾追及之曰止止曰取爾木偶繫之藁倒曳出境母送我里人逡巡間斧已落水偶一耳驚曳如命遠跡不敢再入時伯兄未有子里人傳相詫陳君不虞似續耶既而竟多子元配邵氏州判涑女與伯兄同庚午生四月十一日庚子十一月二十六日之災併二女喪焉繼張氏處士

慈女操家政甚力終其身不以華侈初難子置側室
何氏有容德子庶子如子無間言人以為難生甲申
十月十二日卒辛卯三月二十五日得年六十有八
男五啓孫伯允得之晚比不佞郎考功始奏補廕
生需其長也今為袁州府通判娶徐憲副九臯女啓
經娶夏知州惟寧女啓縣庠生娶呂州同亮女繼姚
慶士尚忠女啓緒娶徐巡檢九容女繼姚庠生守緒
女啓維娶潘典史達女女二長適夏惟寧子庠生程
次適徐知州恒錫子庠生嗣益啓孫啓縣夏氏女俱

張出餘何出孫男十孫女五啟孫出者四男本充娶
周憲副思宸女本育女長適周經歷思顏子昌冕次
未字落經出者五男本蒙娶姚貢生程女本茂娶方
省祭志化女本萱聘董處士女本蕃女未字落繇出
者三男本恩本惠女未字落緒出者三男本思本女未
字落維出者二男本俊本美落孫等以丙戌年十二
月十一日葬伯兄上虞萬興鷄籠山與干瀆村相望
十里而近比張碩人率合馬方伯兄卜鷄籠兆也邵
碩人業葬馬巷祖塋之偏張碩人力請遷從新墓伯

兄曰我豈忘之第驚燼即土殆四十年矣遷祇不安
事雖寢然識者皆稱張碩人盛德云嗚呼不佞童而
競孤伯兄朝將振之而夕將成之少不以童子課也
長不以流俗轂利言學則必稱先大夫言政則必稱
先大夫不佞服斯義也不敢失隊以至今日伯兄已
矣其才節聲華大者抑塞無所表見惟是裒貞握利
特立於鄉曲而薄試於臨民遺言行有足述者不忍
終闇習而無聞也是用裒次如此伯兄生平有真我
不佞直罄欬之質九原無諼若夫闡幽施轂則大君

子立言之旨已伏惟不鄙而賜之銘先伯兄死且不
朽謹狀

鍾太孺人行狀

鍾太孺人者不佞年妻大母也大父曰訓導徐公始
外舅令攸兩親者皆大耋矣太孺人比又病癰外舅
時時念之甚令攸之五年而遷別駕安慶捧檄便省
適延嘗大孺人藥已竟視含焉哭稍間則授簡於不
佞甥俾為狀狀曰太孺人上虞名宗祖松泉公某善
繪事章

宗皇帝朝世所傳鍾欽禮盡者也父王

溪公某太孺人生而為松泉公所愛曰是當為儒者
配時同邑徐聘君某者以賢良徵忤監瑾謫戍瑾敗
釋還稱鄉偉人而聘君第五子則訓導公也後其弟
虔士公某蚤有雋聲大孺人年十七歸焉訓導公蓋一
年以少然業已既廩諸生間矣玉溪公醮太孺人命
曰為儒者配良不易且吾無以媵若媵若以四言耳四
言謂孝敬勤儉也歸三日執姑劉碩人喪即能喪中
羸不勝衣廼所承饋而羞尊人靡所不虔也者已而
事繼姑謝則姑已又繼葉則姑靡所幾微貳也者虔

士側置二姬遊太孺人間靡所一日違言也者訓導
公至孝奉後者生者交重也嘗讀書郡中還從聘君
語差久太孺人輒為言舅若姑日夕念君君何以慰
舅若姑意其相勉為孝如此說者謂聘君忘子之出
後處士忘子之後已太孺人與有助云訓導公應肯
官朝城以單車往無何乏書謀太孺人能偕隱乎吾
且移牒歸矣太孺人力贊之決蓋歸而迎相勞曰素
甚君袍未緇也遂日左右公義勅諸子姓處內外廩
廩無敢不肅焉後一紀伯子與計偕矣諸子

盛尚日左右公而義勅之猶前志也太孺人夙兢于
女紅居饒桑麻繰絰老不廢然好施予即素所善衿
截乎解蔑需澣推蔑需餒而性又樂易亡論舍中臧
獲一切啣恩卹即流傭環門廡而寄者若蟻附嬖僂
僂挈孺兒從爨下食不厭也嘗語媳屬吾蚤佩家大
人媵言今老矣孝敬頗質有之且非疾苦不能即安
獨以多施為若等費顧吾念竊有天幸食恒腴服恒
鮮寧能效守財媼辟睨枵保忍不割半菽尺緼相活
而空從度篋中敝物也又曰若能毋忘吾言乎吾死

亦樂益寢疾間諄諄無異語病既革語半不成矣顧
冢女期期若浴云衣云者荅曰歛鬼能身之遂瞑寔
萬曆己卯十一月十一日也距生弘治丁巳十月十
八日享年八十有三訓導公諱某字某別號南石生
男子四伯即別駕君某起家嘉靖甲子鄉薦年所稱
外舅也娶薛處士某女繼李處士某女仲某邑庠生
娶趙大尹公某女繼黃處士某女叔某蚤卒季某壻
庠生娶葉某女女子二長適汪僉憲公某子散官某
次適賈侍御公某子庠生某孫男十人伯出者五如

山娶庠生潘君其女如岡邑庠生娶廩生胡君其女如璋邑庠生娶太學生陶君其女如圭邑庠生娶侍鄉潘公清亶女如塤尚幼仲出者四如璧娶周處士時敏女如玉娶太孺人宗姪其女如翰邑庠生娶董某女如龍尚幼季出者一如金娶庠生陳君其女孫女二長適年封安人進宜人次仲出適太學生黃君某子庠生某曾孫男若干人曾孫女若干人別駕君請於訓導公以太孺人歿之明年正月某日葬於車山之麓陳有年曰初太孺人歸而後處士也蓋孑然

獨爾晚歲祿子立孫茁曾孫而領外孫之子矣可不
謂厥基造福者哉而外舅則謂太孺人生平未嘗欺
人亦未嘗逆人欺未嘗忤人亦未嘗虞人忤於懿哉
宜天之福也年不佞得與聞梱內之行爰次其事而
具論之俟立言者采焉

邵宜人張氏行狀

隆慶庚午七月十七日張宜人卒於家有子陞官監
察御史居京邸宜人疾未之前聞也業以心動之故
疏病請 天子察其情許之歸馳二千里與訃會扶

毀奔至哭既蕪手述宜人生平走書余告曰孤罪大
宜人歿也不獲一侍訣罪莫孤贖矣忍復令先德闇
沕以重孤罪惟是幽窆之石所以從宜人于地下者
將請于少傅南渠公而內行不列外聞子姻也是有
裡言微子狀孰為徵信余謗又詎能文宜人然先室
邵安人宜人姪氏也而余之姪又為宜人子婦時時
道懿行詳詳宜人宜莫先余者遂據為之狀不辭狀
曰張宜人邑慶士時濟公女中憲大夫邵武府知府
越湖邵公諱憲久繼配也中憲公先為郎中時考最

封宜人宜人人生正德癸酉四月初三日迨卒享年五十有八子男八長型饒陽縣知縣娶羅氏處士東涯君璘女次璧庠生娶葉氏文學洋山君鳴女先宜人吳氏出次陞太湖縣主簿娶周氏文學止所君如登女繼談氏處士新川君世美女次即御史陞隆慶戊辰進士選翰林庶吉士改令官娶諸氏處士半閒君廷步女次岱蚤世娶即余姪仲兄主簿有孚女次主娶陳氏詹事南屏君孟愷女宜人出次堤娶朱氏縣丞雙泉君公敬女次端聘沈氏府經歷海南君渭女

妻王氏出女一宜人出適呂中書舍人允即少傅南渠本次子孫男八型出者一欽言璧出者四欽亮庠生娶蔡氏通判小川君珊女欽式聘沈氏慶士庭梧君一鳳女欽錫欽獎聘茅氏封縣丞石陵君檀女陞出者二欽元聘朱氏工部主事心齋君孫女欽明陞出者一欽順女孫六長適張知府信江公達季子監生紹元次字陳副使小愚公覲子釗次字楊知府石帆公世芳子秉鈞餘幼未字曾孫一洪源欽亮出中憲公卜以歲十二月九日葬宜人穴湖山之陽宜人

生而端莊淑慧父張公重其昏會吳宜人謝世中憲公雅聞宜人賢求繼室是夕張公夢一偉男子跨羊征霄漢間覺曰此貴徵也乃許以宜人歸公謂公生已未年紀年也北歸姑朱宜人先亡逮事舅菊莊贈公公年已九十耄矣獨姬施氏侍宜人遇施善因得密刺起居先贈公意旨即朝夕膳必親饋薦立戶外侍畢然後退中憲公為校官弟子力于學宜人篝燈淪茗執女紅贊夙夜日為常公嘗學過苦病苦經年侍湯藥彌謹吳宜人遺孤未立宜人啍啍守之撫

誨備至不以貽中憲公憂當是時宜人年才十五耳
左右事育已能一一祗內職如此始贈公易宜人少
未練有虞心及庶得其善狀乃亟稱曰賢哉少婦也
賢哉少婦也中憲公薦甲午省試後四年而贈公卒
宜人哀毀如禮比部白竹公者中憲公嫡兄也二公
孝友天植同居食者數十年即數十年猶食指繁衍
庭厨爾鄂如一日比中憲公官遊念比部公不置時時
分俸歸佐養宜人實終始贊成之無幾微間語觀者
以為難方中憲公未仕授三禮吳楊間家事盡屬宜

人時吳宜人子立矣宜人所生子又長以次並遊黌
塾博交選傳供費甚廣家無贏積至脫簪珥給之中
憲公不還顧而諸子並得顯其業學蒸又起歲已酉
饒陽遂魁於鄉宜人喜曰是可以答吳宜人矣明年
庚戌中憲公授六安州知州歷右軍都督府經歷工
部虞衡司員外郎通惠河道郎中遷邵武府知府宜
人皆從迄公仕無敢闖門內治者公性嚴介廉直每
退食輒為宜人言席國厚恩夙夜愧罔報塞寧當為
私家計漫自封宜人語輒有合之或致仕歸適所

為勤儉操約如寒素米鹽絲枲區畫必周然務大體
不為委瑣之行享祀必極豐潔綴接姻鄰下逮臧獲
舉稱宜則尤以賑窮卹孤為急即捐解弗愛也饒陽
太湖後先就官宜人規弗及私種種作官箴語御史
蚤有嚴庠序間未即第宜人無愠色竊勉曰兒無患
不第大丈夫第後事何限總在今日學力耳後丁卯
戊辰御史果連捷宜人亦未嘗色喜時寄言父母尚
健飯幸勉自監立毋為我分公家念也戚族有告北
上者宜人雖病必強起頻擲以示無怠意不以憂御

史其明大義如此庶子堤患痘危端上堂而傷其首
宜人調護曲至至忘寢食視妾王愛而有禮肥肥出
天性然呂氏女寡且無出側出一子呱呱也宜人淳
且誠曰母以不屬裡故保孤不虞而夫子將不亡與
而所以報而夫子獨是兒耳念之念之饒陽以己已
夏卒于宦訃聞宜人哭之慟遂病腫目不療侵尋至
今年春夏飲食頓減痰火上冲病日革然中心了了
不亂子圭首宜人固請厘厘授數語語皆閔忠孝節
義大者且曰我何言我心至公無私今而後人當益

知之也於乎可謂以正終也已宜人性資正大有曠
度子姓諸婦終日侍初不見疾言遽色亦惓惓焉無
敢踰尺寸者晚歲計身所長育逾數十人冠簪接踵
挾筴縣瑣而趨左右者充祀實閣孰非宜入德徵也
蒸和篤慶雖度百年不為溢廼顧若斯焉止耶而余
姪氏復為余言宜人歲時顧庭中衍衍樂矣獨撫姪
輒悽然隱軫不能已以姪孤寡且後未定故而病垂
絕也則面之放聲哭噫傷哉傷哉余睹直入行嘆曰
壺教陵夷內德之河舊者數矣霜野紅紅彼其時固

三王之世也而況來者而況來者廼今余狀宜人蓋
嘖嘖無媿詞云他尋尺無論即其處孤遺嫡庶之間
至哉其恩之也雖載紀所賢則何以多焉廼如事吳
宜人母如其母視吳宜人兄如其兄視吳子姪猶然
一體款接甚篤即吳子姪亦不知其非親姑也嘗曰
吳宜人茹辛蚤世不得與夫子一日之祿我胡能忘
情難矣夫仁人言此其最章又較著者也而余又聞
宜人病革時有婢助者割股療之割股苦心也以示
婢乃能出此良不易矣非宜人德無大小周姪能然

乎此雖細故可以觀宜人矣余謏謏無能文宜人謹
掇其所聞可徵信者紀次如右以備采擇若夫闡幽
行遠施穀翊教竢立言君子垂不朽之論焉

封宜人陳母趙氏行狀

趙宜人者禮部左侍郎贈尚書謚文僖陳公繼配也
始尚書公考編脩滿封孺人已為翰林院侍讀學士
掌院事秩滿晉今封云宜人宋王孫裔後有師道者
尉桐廬因卜居邑之孝泉鄉遂世為桐人高祖鄉進
士驩曾祖儼祖封通判瑤父肇慶府同知琳母俞安

人官保俞莊襄公諫女嘉靖辛丑尚書公第進士選
讀中秘書元配徐宜人卒時公考光祿公煥為江西
右使得宜人賢狀於左使桐江俞公夔遂為尚書公
繼焉宜人性端肅不苟言笑恭事光祿公胡太淑人
及兩居服舍舉式於禮尚書公繇詞垣起也

肅皇帝方修齋禱事詞臣多用撰文進者公澹然避不
與游歷少宗伯已持服歸起南部奉命視淮陽諸
陵暴卒為時名卿宜人有相道云蚤育一子殤哭之
哀遂疾待席媵和惠多男祥迨哭尚書公倉卒仆絕

及甦疾遂篤諸子調護逾二十年至子鏐成進士之
歲乃卒寔萬曆己丑十一月二十一日也邇生嘉靖
甲申七月二十三日享年六十有六子長鏐行人娶
叅議羅璧谷公女庶徐氏出次鏐太學生娶大學士
呂文安公女次鈐娶光祿署正新渠魏公女庶李氏
出女一適河南左布政使孫君鏊徐宜人出孫男七
孫女五漣聘副使嵩岩張公女澍聘庠生循菴史君
女渭聘春元警復丁君女孫女長適禮部主政栢陽
呂公子胤昂次未聘鏐出泃浩濤俱幼孫女長適瑞

昌尹爐嵩錢公子人豹次未聘鑣出漳幼孫女幼鈐
出鏐等卜以庚寅年十一月某日奉宜人樞與尚書
公合葬於龍山之陽具述系世歲月并行畧以年宗
人屬為狀俟誌墓者採焉

行實

先考正議大夫都察院右副都御史省齋陳公

行實

先君諱克宅字即卿別號省齋姓陳氏其先宋丞相
文正公康伯扈高宗幸越過姚之馬渚鄉聞鍾磬顧
其地樂之命介子祥卜居焉由馬渚避兵燹遷干瀆
村者曰寶一公四世而有吟軒先生孟昂自先生上
世嘗以賞雄閭里當國初傾貲役于官家更謫先
生乃折節為儒隱居教授翛然以詩名始末嗣有弟

氏孟善公子曰巨理公已復生一子然巨理公賢先生因子之不衰而巨理亦遂父先生先生率母氏老失明而公事之賢於所生母氏驩公即不侍食不甘病垂革仰天祝曰兒孝吾死不憾願天幸相吾兒益生賢子大吾家也既先生所生子蚤世收其孤與諸兒鈞甘苦長為之昏聚無幾微聞者人胥服其孝友而為人又忠信尚義鄉隣有爭率走公自直即家事率求處分間有不之公輒絲亂必覆公一言廼解終身不復語言其為人所服如此論者謂先生公皆鄉

善亡後宜大是為先君大父父也先君貴例得

制誥於是先生贈公累贈俱都察院右副都御史先生
生配嚴氏繼周氏公配周氏俱淑人云公多男子以
成化甲午二月二十八日午時生先君於次為六幼
穎異有立志公業奇之苦家故誦食指且繁無以佐
學者欲令改業自食先君未敢言因侍遊圃伐拱木
持白曰是不剪行且昂霄矣然兒以為直木耳無足
惜今將有昂霄之人而斯之為薪則柰何公喜且悟
曰兒言是惟爾之為廼裹糧遊學枕藉四書諸經而

以尚書顯門其學自儒先訓故直探聖賢微言絲髮
未安沉思博讐必得當後已充然有得為經書解數
萬言領弘治甲子鄉薦明年上春官不第就業南雍
時楓山章先生為司成方以道術為教始見舉斯裁
之語問何志對曰君子幼學壯行要當於道德中監
功名耳先生首肯相與講求實學及權經世之務疊疊
有卓識深見器重而先君學亦日益連不得志於
官書十年一武不妄移邑大夫有緣公餞始識面者
自童如先生深今之人也正德甲戌登進士

仕知嘉定縣嘉定吳鉅邑賦重習詭競假荒壤之田
緣飾治畝規匿歲供而遺其賦於比里民困益逋先
君出舍於野屏輿却蓋畝方而區藉之夙詭無所痛
逋移漸復又以科則猥冗奸胥藉手上下與豪右為
市建議酌重輕歸之一則事既上惡其害已者挾陸
冢宰完尼諸當道不果行後二十年議者竟尋所畫
行之遂為令一寺僧素饒其徒之父猾也思脅而空
其貲匿子外方曳他屍誣僧以死先君疑不亟訊密
蹤跡焉衆譁然若疑於賊者聞而嘆曰吾終不以嫌

故妄傳人死亡何謂得匿者衆昉驚服市井惡少朋
俠塚人事露曰未教而誅不忍也每月朔榜所犯於
衢而命鄉長老諭飭之卒皆改行為善政尚平易尤
善視俗媿惡為之所俗業耕紉因而課勸之崇信機
禱則為之厲禁僧道至賣紗以自給里黠乾沒官賦
顛為常急之動稱變鬻為良者害廼摘最甚且有重
援者收其孥曰鬻當自孥始今日官為鬻之黠者立
出故所盜以償餘風屏息愚萌輕訟歛歛諭止之至
險捷者弗貸也曰女婢騷我師他如闢佛寺以新學

官鑿低圩以通水利差九則以均更繇汰民兵以約
冗直嚴胥阜以絕苞苴凡可利民者次第舉舉民用
大和而性堅直不能阿部使者意指始若忤終以惇
欵得白薦譽反籍甚巡撫張公津雅意民事每稱嘉
定治行為南郡首諸所建白輒嘆賞布令甲政澤波
及旁郡烏會橫寇湯毛九嘯聚天目張公奉命征
之檄先君從策曰是惡已稔無稽誅請薄脅汚者罪
勿驚良民適寇者籌其便宜甚具寇夷良緝一若先
君籌滿考署卓異戊寅徵拜江西道監察御史

國家自 毅皇帝季繼以 肅皇帝嗣初剝復危疑
是牝萌起太夫士若障決河毒危痾攘袂亟爭不敢
賁而先君當其時知無不言言無不力其聲又次者
巨閹劉允挾邪蠱煽取佛鳥思藏胡服膜拜魑亂
禁庭抗疏列其十罪乞誅之以謝天下老兒當諸閹
張銳等罪狀既具其鄙蕭敬韋霽盤枋司禮詭笑
上聽內降欲易其獄疏請明正典刑勿以近習搖公
法判官府為二體大禮議興伏闕諫且號庭杖幾斃
方號時內侍傳 上怒罪且不測有亞卿欲倉皇竄

者先君厲轂曰君大臣操議不力乃欲先去為人望
耶引其裾而卻之衆皆凜然大學士蔣公冕尚書喬
公宇汪公俊相繼引去而議禮大臣驟進翕赫士心
不無風靡上言進退大臣關國體若以言議不合簡
斥老成長後進誦佞風士氣將日壞國事將日非章
三四上轉切武定侯郭勛怙勢莫敢誰訶疏其大不
敬狀後竟以跋扈誅劾王冢宰瓊才而險坐戍邊論
直轂為一臺先出理直隸山東鹽法疏招復貧窶嚴革
奏討等七事上之皆鑿又切時弊繼按貴州貴州苗

患紛拏軍餉役罷供億不足先君曰是殆難純用中國治治之也約束有司務為厚大而區畫不遺細微要歸在因其俗洞其情狀破其所恃而勤其所疾苦曲防其瑕釁而銷其所未萌去其滯衰之甚者而明示之禮教是以內之官伍外之士苗徼之堡戍散之流庸無不戴德興頌盤江瘴氛為出途者苦烈山鑿道毒淫一清積癘頓殺十八九麻蔣寨劇賊跳梁私有名號號令屢格官兵捕者以濟師請先君命以師還而密授計斷事史勅以署程番篆往因選甲馳襲之

賊出不意不暇格悉就擒定報竣間道值淮陽饑條
荒策騎置以聞略曰商通則粟集流移勿詰則就食
者衆計口月賦民粟流者給糜散處之勿贅聚則疫
不作暫弛收留乞養之禁則羸殍不駢死方春民無
以畊歲且荐饑官給牛具種子賑業之便殍屍蔽野
宜倣王者掩骼之令毋令暴露而尤必大發帑儲及
借留司府官賦則猶可及救也疏上 詔下其策於
地方居頃之再奉 命按河南監乙酉試闕通弊絕
所得多名士其操約藩臬郡縣不毫髮假臬長張淮

與廖冢宰有連居職無狀顓疏劾之冢宰不得已落
之職風采雷厲旁皇部中墨吏有望風解綬者嘗行
部道扣馬村臥龍岡朱儒鎮弭節吊古斥滌祠祀墨
台氏葺漢丞相草廬廓武穆祠慨然有世道民風之
感至於一士之善匹婦之烈擊節表章惟恐不戶聞
也丙戌陞四川按察司副使整飭松潘兵糧時先君
閱臺資逾八年矣松潘深入番落中又巧宦所規不
虞廼冢宰用夙嘆故竟有是遷抵任未閱月而駕番
橫梁寨殺一指揮坐累戴罪勦賊凡皆旁觀者所為

不平先君曾不以屑意親拊率屬立操式繕勁器吊
孤問疾而閱其可用者誅賞信必士卒氣倍廼勒兵
夜走鴛寨焚碉房數百所番殲焉當道上功西荷金
幣之錫異時松卒積衰而橫梁且虎負南踞咽喉
乘高恣睢我軍仰視不敢動番狙若謂固然一旦被
殲諸落恟恟蜩起先君嚴兵關堡待之番遇輒斂去
而我軍器甲精采又諸落宿昔所未見者則大愕且
惴稍稍悔禍請盟猷馬保塞矣兵家宿弊多竄虛名
尺伍中私其糧芟上下相蒙錮不可詰而故事總兵

者與副使權埒莫能得其要領先君思有以救之重
懸首格而陰寘偵者其旁戒曰有立格下視徘徊若
有思者挾以來連得三人未肯言親諭曰爾畏若毒
耶第言毋畏余重資爾且檄移爾他方三人者度不
得脫以實告悉麗詐冒者於律廼以義質責總兵與
為要束清若伍而何總兵鄉者舊在貴陽嚴先君先
君亦多其能及是時何大慙伏因而衍馭之發蹤前
却無敢不竭蹶承者當其時何頗効勞於邊檄卒為
松老将本之先君也全蜀比歲大侵民且饑死不能

給邊餉先君令曰軍民一也勿苛征有額出蕎豆克
額適者聽蠲其耗郡邑積藏稍贏者酌貸之厚募以
輸以故民不聞追呼軍不至捐瘠而饑民亦多賴募
苟生者然躬自貶損與率屬同豐約往來督運馳偏
橋索道間膚髮為改人知先君之勤之也即間不繼
迄無怨譁或謂先君勞曰固也赤子饑吾忍坐視且
若不見廖鄔之亂乎不如是何以繫嗷又者心於是
人又知先君之厝置蓋有深慮也庚寅書考於

朝最明年辛卯陞河南按察使先君自起家連為憲

臣且習西河情隱訟至可立決顧未嘗臆蔽一獄輕
刺一人原情據法期在無憾且躬夙夜程案牘汲汲
若力不辦者用是行無淹繫庭無穴奸如什趙景陽
等無辜之冤發劉一清輩不宥之罪語具部使者疏中
不二年薦者六上而郭侍御方按貴亦疏請特補貴
轄從民志天下灼灼稱賢大夫賢大夫矣時王冢寧
復位用事思中先君卒不能奪衆論嘗語人曰陳某
舊彈射我今官守有嚴我豈若仇耶蓋王以脩怨為
人所質特舉於直也癸巳陞湖廣右布政尋左布政

使錢穀出內藏吏公為盈縮日有羨先君曰是賦也
令輸發者親視其衡不以假藏吏遂遠濡垢之嫌公
移刻期遣發鈎抉狡弊剝痼塞竇吏胥惴又無敢以
事嘗者楚故稱廣饒癸巳水甲午又旱困矣內府採
辦宗室祿供額且日廣而榮藩構宇承天建治
皆新以詔旨行事又不領于常需諸藩擬附濫
乞累又狎至先君既周知一省息耗神籌掌運經度
其不得已者而罷其不經者議駁一以法故無所避
回提調試事僉謂費有常目先君曰無以目為也命

析款會直銖權寸度區畫惟允賓典視昔稱厚而所
費減三之一且勅識什器足為後舉之用者亦三之
一其綜理節縮皆類是先君練且果論定計成屹不
可動有欲私撓敗者輒毅然曰六十老吏豈翫法狗
人者耶一切不之可坐是與撫按不相能然事有疑
鉅又率倚先君為重無不就而待決者會撫臣什位
急欲抑先君衆莫之直也更以實薦而王巡按者忤
人也含怒俟先君遷去洗索談司所掌莫得間竟獲
一疵始大阻惡而益服先君之不可間染如此甲午

冬陞都察院右副都御史撫貴州等處地方兼理軍
務先是按貴王御史杏疏曰凱口賊阻險屢劉爰自
宣德以來載征弗靖日其裔阿向惟茲憑恃也濟其
世惡以干天誅當其身重臣徂征者四矣格于險輒
輟師歸朝廷以為大羊弗窮也賊轉張甚臣謹按
向當誅之罪有八難克之勢有三乞大舉殄滅之用靖
一方疏既上而先君命下遂奉命相機撫勦乙未
至貴宣布朝廷威德挾以軍聲撫之賊抗乃按行
賊壘獎督將校剪薙其援翼而謀離其脅從丙申春

正天雨雪募死士夜攀崖上以索梯度軍奪其要害
一鼓而克之向賊授首俘斬從賊六百有奇招降撫
安者可二萬計捷聞詔晉二品俸賞銀三十兩綺三
襲固故險絕先君集衆策剋穴置守以圖永戢留兵
竟其事而漏孽復曳生苗據固爭之兵卒未決會先
君調總理糧儲巡撫應天等處地方代去處臣畏謹
者反嫁禍焉初正德間臧賢客吳傑以賢故判太醫
院先君論其罪至死會赦免至是子希孟官諫垣而
田都諫者貴人以先君同年也無加禮哂之嗾希孟

希孟喜論先君主用兵非是先君聞而嘆曰有是哉
疏乞解職得 旨回籍候勘時先君蒞江南南三月
耳方且理要業撥所熟慮急者列為六事以聞而條
布利捐躬先節儉將壹挽文弊之俗用救實病至於
積利隱蹟蒸蒸煦旬有廢月有舉也然未獲畢其施
歸矣代者偶一聞問猶手書以水利田稅為屬其惓
惓百姓不用去留自諉如此丁酉抵家家故村居杜
門養晦危坐一室隨意展經史百家縱讀之適然意
合即手錄置几笥倦則委蛇垌陌偶田父場皃班荆

道農圃于予也歲時謹祀典置遠世墓田未備者率族子姓從事教之禮讓壯日所與布衣交多輒軻華髮每一過從譚經賡詠累旬月不厭性所趣好絕去穀貨游奕為時俗所徵逐者遠甚而日悠然有以自樂牘跡不至公府心跡是非公論通塞悉置不問或以問先君輒曰靡祿無效分當退幸得蒙恩歸優游里門與交游老幼樂餘年足矣然客或道治象休明生民閭澤則津津喜也不者輒憂在其色曰老臣荷國恩厚食百姓力矣敢忘念乎居四年疾作月餘轉

侵遂不起寔嘉靖庚子十月二十二日丑時也距生
得年六十有七始言官所指罔甚撫按臣當勘者憚
駁反故緩其覈第疏曰市閭成虎母惑投杼迺自古
言之矣夫苗賊向造叛顛末巡撫某勦勝心跡固較
較也但臣等有同官嫌懼不知者覆用為僭請更遣
侍從至臣等得公議之於是朝議人人知直先君
而卒不更遣勘官勘官亦遂不竟迨歲壬寅為先君
捐館之二年繼至者始白其議天子曰嘻陳某既
有功其復原職贈通議大夫賜祭一壇有司給其葬

事并給與大父母父母妻誥蔭子有年國子生嗚呼
聖恩則渥矣而先君已不可作矣嗚呼先君體貌魁
碩行坐皆有繩槩終日立不倚無流視望之凝峻若
山知為端人君子性至孝嘗以祿不逮養捧一制款
獻間語及即飲食不能下至晚歲猶然制三品得贈
大父念所生孟善公不應制欲移身所應給贈焉適
歸不得請終老以為遺恨周淑人兄弟子客他鄉其
先墓莫為主歲以禮酹祀之曰吾母懿親也勅後世
無廢事伯氏甚謹嘗從客館還弛僮而扈之會伯氏

飯不為起拱立俟異揖語而退時已領鄉薦年且強仕
矣撫卑幼如子姪氏歿卜已山為之藏再從姪死二孤幼無
所歸長延教者踰十年即負教不衰止殆天性然也敷
歷中外為之各有體一以為可親一以為不可犯一以為纖
密一以為摠攬一以為神明一以為茹納而正已律物實心
慮職則在在皆然所至無不治鎮雜若峙酬遽若流憂
病若焚趨義若就平生未嘗規便利避艱危直論通當如
是而已與人交不為藩飾尤絕不言恩怨前後伏節所疏舉
亡慮數十百人兩河楚蜀之士繇品題起者亦亡慮

數十百人進無市心退無私語淡如也徐州兵憲某
常郡令某既得舉以幣交作色曰君非知己者余誤
矣余誤矣愧謝去吳中令李東以催科與邑貴忤邑
貴盛惡之於朝先君曰東為人不可知吾知強宗
後輸為吳大蠹若抑東蠹將滋深朕小民不細亟言
大夫中丞東竟召併肩為臺官偶以言事異同陰為
所妒及橫采寇作東適按蜀彈事故甚其詞先君待
之自若終不言推轂事斯其度詎淺淺者能闖耶至
於見人善稱之如恐不及見不善面折之不能浮道

與也故嘗以此取信于人而亦以此賈怨先君嗜欲甚
淺享奉甚畱宦遊凡二紀供張涉麗即屏去之終身
不畜妾御輿從亦嘗不克晚以上大夫懸車且不畜
杖鄉時矣素韋散步居然寒士也其視義利閔萌皜
然冰蘖有不待戰而決者故雖重為權津所擠陰仇
所撻齟齬者所微伺卒不能用纖介相磨涅云若其
譚道決策不喜空言高論務極名實而其為言雲驟
風生近譬遠印使人灑然傾竦曉然易知為文亦然
尤長於彈駁辨議徃徃若萬馬排堅一矢破的則以

浩然之氣有以發之也所著有四書書經牆外望牧
民膚見律解律摘自考操式并奏議詩文雜言若干
卷旋遭燬逸今厘有存者藏于家配吾母唐淑人內
行寔可媿先君後二十八年卒事具淑人狀生四男
子一女子女最長適邵憲副煉介子聖男有勲國子
生今為山東平度州判官娶邵氏海州判官涑女繼
張氏有濟補邑弟子負而殤有孚國子生今為江浦
主簿娶楊氏刑部侍郎大章女繼王氏布政使恩家
子惟一女有年十歲孤其為蔭也伯兄實以名請叙

未能讓遂階蔭領壬子順天薦第壬戌進士為今官
娶邵氏崇明知縣炤女贈安人繼徐氏鄉進士希明
女封安人孫男八啓孫次當補蔭未請啓經啓繇啓
續有勲出啓和啓科俱庠生啓稷有孚出啓端有年
出孫女六五適名家一尚幼曾孫男三諸孫曾男女
皆先君沒後毓也嘉靖壬寅正月九日勲等祇若
國制營地於雲樓鄉陸橋園之陽奉先君窆焉北背
查湖南望漕河左為東鏡河云不孝孤曰先君襄事
二十有七年矣玄石未礪明德未列是家世之割而

不孝孤之罪也先君沒未四旬家火于盜惟是先君
無罪以徼天地宗祏之福孤等僅以樞免不暇及遺
事惟是文不足徵重以孤之愚覩記淺鮮惧鹵莽逆
懿行且惧謦效弗顙以漫先君而厚不孝孤之罪痛
心荏苒忽不知歲之及此矣無祿先妣即世將從先
君於夜宮不及是籲大君子一言著之後代罪即死且
不償是用洒泣伏幽菟拾餘燼述厥大都兼取二十
七年所聞鄉之故老宦澤之遺氓可徵信者叅以方
輿碑志聯爲行記貝庸稱籲大君子之前倘矜而賜之一

言以為先君重而追孤罪萬分一豈惟孤沒一感
已哉孤死罪死罪

先妣唐太淑人行實

先妣唐淑人隱士浦長女古虞右族也生成化乙巳
六月四日生十五年歸先大夫省齋公已封孺人進
恭人淑人云淑人歸不及事舅氏通議公而猶逮周
淑人時周淑人病肺先大夫僕僕授經給甘旨顧淑
人語曰姑老病能任養乎且諸長姒群也群易睽無
貽吾慮淑人應焉兢兢侍姑養饋食扶病姑淑人必

呼少婦少婦而群諸奴氏以順奴或易其少駕之淑
人遜謝而已廼搃作顧時時先長者久之交口譽淑
人賢惟先大夫亦以婦雖少可任也以故益得展意
於學既而舉於鄉第甲戌進士授嘉定尹淑人從被
故簪服徃蚤夕操作佐先大夫日用無異未遇時竟
三年門內之治斬斬也戊寅先大夫入拜御史前後
為輜軒使丙戌遷四川按察副使入松州淑人常家
居一切內外務躬為經紀迨報政無不當先大夫旨
者十年以徃劬劬力也一無異未遇時辛卯先太

夫遷河南按察使謂淑人老子矧有室盡一日世家
政偕我廼淑人從河南癸巳遷湖廣布政使從湖廣
甲午晉御史中丞撫貴陽從貴陽丙申調撫江南從
江南時淑人累拜章服崇貴矣廼諸門內治若敝菲
也一無異嘉定時其年冬被命歸候勘從歸歸四年
庚子哭先大夫於正寢亡幾何盜入掃室中篋藏惟
圖書命冠服無他羸弗嘆也火其居淑人手提子有
年出自牖度屋踰屋極得下趣之寢燎不可嚮矣仰
天拜且號率子姪滅獲疾力救寢垂盡而先大夫輅

儼然存竟曳之兄觀者詫謂先大夫無罪且淑人精
誠所感云然倉遽間冢婦暨二孫女迄迄於火甌若
彌天然廼淑人飲荼披礫撫存摺頽屹為喪敗砥柱
其神守一無異平居時復念先大夫心跡未之白也
具疏遣冢子趣勘事事既白天子顧綏先大夫功
致卹典淑人拜命如今稱感泣日訓子勉自植報
國成先志壬子有年領薦順天越壬戌為進士主事
刑部甲子謁假歸其冬子有孚拜淑人命謁選得江
浦主簿而子有年者闕淑人漸老也疏病侍之居然

貧貸之僻不親生旁衆竊嘆或愛憐取時情煦煦從
史之淑人獨不然時飭曰無媮靡而已丁卯春淑人
遣子有勲謁選是冬子有年告限及矣淑人日督之
往辭以無侍則曰婦若孫林林在也我矧強食試一
往且爾獨不念吾志耶子有年辭不獲則白淑人兒
即往不能旬月俟當復請許之廼留其孥而別已子
有勲得平度州判官子有年補吏部驗封主事戊辰
春調考功復以病請馳歸淑人衣冠堂上坐納拜拜
罷勞曰兒視我當不加老歸何遽耶當是時淑人固

無恙也越三日江浦候者謁歸淑人起倚門致命詞
命已忽頓地自是漸病蒸蒸脉脉不能堪病且革呼
冢婦囑曰我死即汝輩殮我母假手丈夫子乃瞑寔
淑人降生後二日也享年八十有四嗚呼淑人天性
至厚謹靜柔默初不見賢知圭角然而冥協大義相
道母儀徃徃出賢知所難其勤家庖政曾靡聲色動
者然當起家器不為溢猝遇變七不為喪凝然也率
受然以植蚤歲攻苦茹淡約以終老於經費纖嗇矣
然而篤於義遇當施輒不復惜性嚴祀事率五夜起

治具戒蠲吉處內外族甚恩而繩之必以禮度下逮
力從婢姥未嘗不疾苦恤也亦未嘗不適其則平生
不能就閒釜釐桑麻未嘗不親從事即晚歲猶然一
日見族孫孤貧為手紉衣衣之勸以就學時已大耋
矣其篤性類如此先大夫嘗曰自余寄淑人養也不
憂養授之內事事種種無顧慮偕以之署也入不聞
交譎而不肖孤輩生當豫大之世出不能無與盛衰
交及入侍淑人所稱教若其行事大都淳龐太朴若異
代者然廼懔然若殞墜穿恨不克守也嗚呼今而後

末所見聞矣淑人少先大夫十一年後二十八年率
先大夫雅不畜侍兒歲辛巳淑人念在邸久苦客單
也購良家子將遺之侍先大夫馳書固止之遂賓對
終身云生一女子適邵憲副煉介子里四男子長州
判有勲娶邵州判侏女繼張氏次庠生有濟殤次主
簿有孚娶楊侍郎大章女繼王布政恩冢子惟一女
最幼主事有年娶邵知縣炤女繼徐舉人希明女孫
男八啓孫啓經啓繇啓緒有勲出啓和啓科俱庠生
啓稷有孚出啓端有年出孫女六曾孫男二本欽本

銘本銓方淑人哭先大夫之歲家無見孫及晚年抱
曾矣歲時上壽內外產左右列計不下數十人淑人
顧之愴然曰恨先大夫不及見也已淚泫然下嗚呼
今而後淑人復不及見矣尚忍言哉尚忍言哉始先
大夫塋得兆雲樓鄉陸橋園之陽祇 國制并營淑
人壙至是勲等卜以己巳某月某日奉淑人合焉痛
惟淑人懿行脩矣生靡壺外揚歿復終泯而不著孤
何以為心是用泣血述其槩如右敢祈大君子一言
之辱以資諸幽宮而徵信齋世先淑人沒且不朽